



今詩所見集選

一

19  
191  
8-1

稻野大田學圖書館  
號 取書托寄  
庫 259 第  
冊 1 第



門 19  
號 191  
卷 8-1

古歛黃心盒輯

今詩所見集選


寄鷗閒舫藏板

191  
8-1

古歛黃心盒輯

今詩所見集選

寄鷗閒舫藏板



余嘗謂詩壇月旦。得廟廊之  
揄揚。易曰山林之傳。誦難真。  
膺分。而心賞有殊也。又嘗謂  
古人文章。非貴不傳之說。亦非  
通論。如名山之業。必藉重於  
勳名。則唐宋以。 璠紳先生

之集之塞寰宇。河至七傳志  
寧、卯、黃、心、莽、學、博、詩、有  
淵源。尤好收存交遊諸名士之  
作。考之選刻。今詩不見。集之所  
不為。卓然可觀。而余詩心。排  
於其間。心莽。何以所重於余。  
余又何求。而得見契於心。莽。與  
選之刻之。嗚呼。豈有。礪石引針。  
琥珀引芥。柔類相感。有莫知  
為。而為之者。卯。折余詩。幸。而  
獲。賞於山林。不至同貴。而不傳  
去。汨沒於臺閣。解沈之。復。得

附誌賢以不朽耶。聊澤教誨  
以俟後之知家者。

嘉慶乙亥年酉三月梅芬撰  
題於淮安署署之大觀樓



山海之廣大也而有經草木之  
蕃庶也而有疏被者經與疏  
者誠能盡見其廣大蕃庶乎  
哉。翔於己之所又推乎人之所見  
蒼粹率附而集其成乎。是故  
子金之裘也。一狐之腋也。苟洞之履

非一木之支也。九仞之山，此一篲之  
實也。石六猶是古者采之太史  
貢之楸杆十五國之風。既于西  
北而楚吳越。溯於夫楚吳越。雖  
歟。舌南壘。豈在多一三歎。遠故見  
於當世者。不采而貢。則不用。不

傳。余嘗汲林之。至石而駭。特為海  
之祖。吳越。至石而約。反為海之宗。  
運移勢覆。蓋且天存。吾子跡  
煥。待石。由政教歸。令石行於  
諸侯。而太史。輜杆之成。廣五國  
所見。遂降為凡也。後代遂詩



正治采之第就唐與論如令  
狐楚之御覽殷璠之河嶽英靈  
高仲武之中興詞氣蕭穎士  
才調元結之選中尚挺章之國  
秀艷金之極元姓氏篇李膺  
不求備是外多就所見而集

之姚弋文粹一仿昭明文選體  
例蒐羅剛汰以意為衡出與  
主訪在又稍受矣歛之黃若心  
金於余祖籍為同郡工詩詞法  
峯巖幽靜與俗殊趣平生志跡  
奉天下天下訪人之白交於心菴

在固不推為老手眼。照卷似醉  
既富且美。是集所為。鏗也。雖  
余未得見。心會而竊知。心卷之  
心。卷之心。心于足。已耶。一  
所見名在。德言之。來。廣實  
深。莫夫。由今。以。後。之。所。見。口。進。月

蓋歲繁之。百。億。于。今。也。心。會。先  
有。據。山。訪。話。後。有。是。集。相。輔。而  
行。將。日。系。於。心。庵。之。訪。人。皆。賴。以  
名。考。時。而。傳。後。世。且。夫。訪。話。之。為  
向。多。篇。少。一。道。也。然。而。實。集  
之。為。有。篇。多。向。其。道。也。教。而。心

句則不第所見而可及可及  
篇則亦見其由去取古今來之所  
見不尤所尚多矣余觀心菴所  
語屏錄庶而出其在滋點纖弱  
而尚高越翼正扶衰事小功大  
矣必如山海經矣必如草木疏即

今以論無所見也而況可見之  
斷之不止於今歟故承臣屬欣然  
不為辭并口讀以交予心盦者素  
慶幸周立夏前一百湖田外史矣  
蔚光序序



承增二十年來南帆北騎多與詩壇名宿相往還  
 花天月地輒有聯吟渭樹江雲每多郵寄或連篇  
 累牘或斷錦碎金見便擇其尤者錄滿一篋靡不  
 溫柔敦厚根抵性情暇日彙壽棗梨名曰今詩所  
 見集選駸駸乎以南以雅之音洵足為鼓吹  
 昇平之一助僅據所見先後編成故不序次爵齒異  
 時見所未見陸續付雕萃為

昭代風騷之大全庶免挂一漏萬之誚云乾隆歲在  
 重光大淵獻仲冬月中澣古歛黃承增述

今詩所見集選目錄

卷第一

蘓功 十六首

吳熊 三十六首

劉鶴鳴 十五首

楊瑞 十三首

鄭棠 一首

高汝堂 十一首

孫承恩 三十二首

秦懋效 二十六首

卷第二

陶璜 三十七首

劉可大 二十六首

陳棟 二十八首

釋本照 十六首

朱成 六首

周必華 十首

楊宗岱 一首

元煥樞 二首

胡卿 八首

王德符 一首

卷第三

何琪 十四首

胡唐 十首

王士錦 十七首

徐世鋼 六首

朱溶 十首

釋蘭洲 七首

林嵐 十二首

許第 九首

秦元春 十五首

卷第四

魯璵 四十九首

陶鶴鳴 三十三首

俞仁 十三首

陳珪 四首

談炎衡 三十四首

程紹允 十五首

卷第五

錢九韶 五十六首

德瑞 八首

崔繡 二十一首

程瑤田 十八首

王庶 二十四首

吳寬 十首

卷第六

鐵保 五十九首

程樹楸 十首

馬慧裕 十二首

釋野蠶 七十二首

玉保 二十四首

閻循觀

卷第七

曾燠 四十四首

鄭大謨 十四首

王岱 二十八首

錢芝 二十八首

朱實發 九首

韓夢周

卷第八

李元滬 三十九首

何紹寧 五十三首

宋霖 十二首

王祖昌 四十二首

朱淦 二十首

卷第九

閻學淳 七十八首

楊鳳苞 十九首

汪錞 二十三首

陳鎬 三十七首

卷第十

盛灝元 七十二首

程虞卿 四十首

王世錦 三十五首

朱福田 十首

卷第十一

岳禮 四十首

顧宗泰 十七首

高樹穎 三十四首

吳尙錦 十二首

姜森玉 二十二首

蔡淮英 十一首

卷第十二

法式善 五十八首

汪梅鼎 二十四首

覺羅恒慶 二十一首

楊埭 六首

湯之桂 六首

朱鐘 十六首

單達 四首

卷第十三

先福 二十三首

清華 十一首

江雲錦 四首

江嗣珏 十首

方自然 一首

吳求 三十九首

釋福基 四首

夏之勳 九首

卷第十四

吳蔚光 四十二首

儲潤書 三十二首

應澧 十八首

吳煊 三十九首

江紹蓮 四首

洪檀 九首

卷第十五



于宗瑛 六十四首

于鰲圖 十二首

江士相 八首

張道渥 三十四首

張鏐 十五首

蕭炳 十四首

汪坤 九首

今詩所見集選

卷一

古歛黃承增心盒甫輯

蘇功 千之安徽休寧人會適堂詩文藁

吳梅顛曰千之詩根于學問之功發乎性情之正春容嫺雅逼真古人非唐臨晉帖可比是謂赤色精金與鍮鈿自別  
櫛山詩話千之少補武學弟子員而博通經史工書畫說詩似匡鼎能解人頤中年以任俠自命曾隻身徒步至維揚遊說猗頓之門脫其友于追呼之厄士論題之晚年窮益甚而著作益工集中如騎射書畫四論奧博爾雅似考工記詩則專作五言古體如懷人晚眺高卧諸作置之陶謝集中不能辨也

懷人



孟冬十月朔。我行至南郊。郊原一何曠。景物正蕭蕭。高城自逶迤。四山鬱岩嶷。霜雨谿痕約。風緊樹聲驕。念我同門友。相去路迢迢。昔別沼猶華。攢素祇空條。往燕必雙影。孤鴻獨飄飄。思君不可見。我情正寂寥。

晚眺

舊崖交新候。閒心涉物情。竹深山隱見。山半割郊城。飛鳥歸極目。游雲隨分生。頽陽發樹色。落紅靜有聲。霜溪水避岸。商氣洗繁英。去來匪同調。得句

誰與賡。

處貧

塵濁雖獲免。頑鈍每自嗤。神明有專屬。分營量非宜。衣食何能緩。夕殮朝未知。我有老母在。行止敢或虧。菽水可承歡。固無事甘肥。奉親以菽水。子心寧勿悲。

秦松嵐曰南垓之遺。並下一首。天涯遊子。不堪三復。

庚寅歲暮

居恒乏所業。託身在詩書。是事都屏棄。非道無與

趨。豈。敢。矜。高。路。甚。自。愛。其。軀。雪。天。歲。云。暮。酌。酒。進。  
園。蔬。北。堂。方。健。飯。安。得。不。歡。娛。稚。子。體。人。意。言。笑。  
滿。庭。除。人。生。輕。離。別。骨。肉。還。相。疎。爲。子。能。幾。何。忍。  
將。歲。月。孤。

述畫與詹臥雲

侵。晨。入。春。山。留。連。未。覺。久。數。日。始。來。歸。還。家。日。已。  
西。炊。煙。淡。不。興。盎。中。知。無。有。故。人。賞。我。貧。爲。我。謀。  
升。斗。山。澤。旣。雜。陳。歡。然。飲。予。酒。問。我。來。何。處。還。能。  
傳。寫。否。煙。霞。上。襟。懷。溪。山。隨。筆。取。老。樹。足。生。意。白。  
雲。出。林。藪。有。境。自。深。迴。無。體。不。豐。厚。瀑。聲。下。長。空。  
百。折。會。川。口。茅。屋。四。五。閒。田。疇。十。幾。畝。身。勞。貌。愈。  
閒。悠。悠。諸。老。叟。

方漱霞曰讀此可知此老  
六法高妙結亦極合古。

草堂

農。家。心。力。閒。茅。舍。治。亦。易。高。下。十。幾。閒。因。勢。爲。位。  
置。山。川。成。來。會。寬。然。有。餘。地。流。水。繞。庭。階。草。木。含。  
真。意。溫。涼。判。攸。宜。所。居。遂。以。異。奚。庸。事。高。閼。風。雨。  
聊。足。蔽。幽。逕。少。人。行。柴。門。可。勿。閉。白。雲。長。在。戶。時。

復有客至。道塗多苦辛。千里亦同志。

詠梅

衆山結於外。石泉中。凌俛清聲起。竹裏宛轉過。疎籬松柏扶。雲上老樹覆。茅茨隱顯離。合閒各自出。其奇谷中咸。瘠土貞植故。攸宜凜凜歲。云晚冰雪共。支持氣條吾不取。傷心是枯枝。老榦將嫩綠。吾誠繫吾思。

朱礪東曰。脫去暗香疎影窠白。諷誦一過。清沁心脾。無異鍊腳道人。噙冰嚼雪時也。

種花

欲求真種子。還須付淨土。糞力薄。襯之初。恐遭驟雨。安放有淺深。落地知節序。嘉卉培養難。惡草易攢聚。鉏草傷本根。不鉏難共處。時來花盛開。在目有足觀。肥瘠信有資。遲早誰適主。

吳曦林送方竹杖

客從粵西還。遺余以竹杖。中空稟清氣。方外別有象。堅緻由節密。性正詎能枉。衆山不相下。黃山山之長。吾老筋力疲。峯高曷以上。藉此支撐力。捫雲幾百丈。至處是見處。向來祇涉想。

高卧

老。妻。夜。澣。衣。暴。衣。我。起。遲。朝。餐。適。未。備。予。亦。偶。忘。  
之。柴。門。絕。剝。啄。堦。前。日。影。移。菜。根。將。白。水。已。足。免。  
其。饑。靜。去。心。不。無。得。意。本。無。思。清。琴。動。我。聽。於。時。  
復。有。詩。

菊和汪硯香

惟。淡。故。能。久。頗。得。幽。人。意。關。心。在。半。開。雖。殘。莫。輕。  
棄。留。著。土。下。根。春。氣。旋。復。至。

夢回

夢。回。以。為。佳。急。起。尋。紙。筆。人。事。亂。天。真。緩。之。恐。或。  
失。其。來。既。無。端。其。去。抑。何。疾。實。處。使。之。空。虛。處。翻。  
成。實。

已亥上巳太白酒樓修禊同徐理齋吳梅顛

許橡村魯星村黃心盦俞舊橋作

焚。卻。青。蓮。集。人。閒。那。得。詩。孰。言。千。載。後。吾。輩。共。追。  
隨。有。才。總。天。賦。奚。庸。弗。置。辭。樓。上。延。翠。黛。樓。下。踏。  
漣。漪。座。有。姓。許。人。願。公。無。相。疑。公。倘。歡。然。來。同。傾。  
三。百。卮。往。事。留。陳。迹。後。身。知。為。誰。

儲山詩話李太白曾訪仙人許宣平于吾翁之  
城陽山中後人于邑西門外剏樓曰太白酒樓  
面山城而俯練水頗據一邑之勝高山啟詩青  
蓮酒市無多遠楊柳人家燕子村及何處照人  
肩最白滿城香雪玉蘭花漁簑不礙黃梅雨船  
載鷓鴣直到城之句詩中畫也吳震生吏部一  
聯不知干載下還有此人無吳梅顛之興來詩  
敢作長揖謝先生皆與干之此作相伯仲

目疾聽幼孫夜讀

吾。以。耳。代。目。爾。宜。口。會。心。勿。因。無。字。句。逕。過。弗。深。  
尋。

目痊

目痊思讀書。檢書得國語。讀之目了了。書成目不

瞽。有。目。不。著。書。吾。今。甚。慙。汝。

示姪女德姝

對。花。宜。熟。視。背。花。還。思。擬。有。疑。願。再。觀。慎。勿。輕。下。  
指。初。恐。失。其。真。又。懼。忒。相。似。

龍吟其夫其... 宜... 示致... 不...

吳

熊

梅顛安徽歙縣人北谿草堂集

劉海峯曰梅顛性既不羈才復拔出胸中浩然  
漠然寥廓無際如鵠之停於野水雲之卷于高  
空其詩縱逸豪疆不範今不模古無意求工而  
自無不工  
高棅庭曰偏強挺鍊幹妥帖粘冰花梅顛咏梅  
句也余摘以品北溪詩格世有鍾磔嚴羽當不  
河漢余言  
櫛山詩話梅顛十歲詠梅有香清穿積雪之句  
畢生貧困獨享詩名己亥歲梅顛六十預營葬  
地繞壙植梅三百株自壽句云大夢熟黃梁是  
年六月竟歿甚  
矣詩之有識也

秋夜讀書

清秋夜讀時。月色照書帷。讀罷玩明月。涼風向我

吹。月光何皎潔。舉首一望之。萬里絕雲氣。襟懷相  
與期。

九龍瀑布歌

匡廬瀑布傳三疊。黃海飛泉看九折。界破懸崖千  
尺流。春雷響處堆晴雪。左蟠右屈勢自雄。攫霧擎  
雲情更譎。臨風飛舞何蜿蜒。碧潭隨注成區別。源  
頭活水清且長。和雲流出仙花香。幾度天紳亭上  
坐。耳根眼界生清涼。

補背篇頌邑西葉門呂孝婦

婦。乃。姑。之。子。姑。卽。婦。之。天。姑。疽。發。于。背。負。痛。與。心  
連。舉。室。咸。憂。懼。無。醫。不。訪。延。妙。技。告。窮。痛。莫。定。好  
肉。腐。盡。深。安。填。分。痛。有。艾。空。自。燃。朝。朝。暮。暮。淚。如  
泉。事。急。智。生。心。獨。苦。設。方。何。必。傳。于。古。姑。有。背。兮  
妾。有。股。霜。刃。旋。割。勇。可。賈。持。來。細。細。爲。姑。補。玉。肌  
片。片。流。紫。霞。痛。定。肉。合。完。無。痂。家。人。驚。喜。生。歎。嗟  
奇。方。創。製。誠。可。誇。閨。中。何。處。來。神。媧。嗚。呼。閨。中。何  
處。來。神。媧。

水洗水歌和蘇千之



淪茗無如梅雨水。味永遠勝名山泉。儲蓄失謹本質。改色壞幾欲亡。其天蘇公教我洗水訣。聽罷大笑頰將穿。徐思一試。或者是擔水只費三文錢。呼童汲練江。雜半貯瓦缸。手持短竹杖。擾之旋轉令相撞。澄之傾之歸別器。清者還天濁者地面目復本來。判然別真偽。以水洗水事最奇。蘇公不我欺。我心不洗將何爲。

擬古行路難

三尺劍一牀書。讀罷起舞飲酒百壺醉。後仰天而歌。嗚嗚楚王不好劍。沛公不好儒。書劍兩無用。何以存真吾臣乃高陽一酒徒。

人日讌集太白酒樓

選勝同登此樓頭。縱眼明新鶯。催柳色殘雪助谿聲。酒數誰家好人欣。此日晴興來詩敢作長揖謝先生。

雪瓢二首贈方粹然

歎息雪瓢好。來從灰燼餘。乾坤真狡獪。瓦礫有璠璵。心事千杯酒。生涯萬卷書。不須悲瓠落。吾道本

籛。籛。大。雪。滿。天。地。瓢。兮。汝。復。來。詩。邊。無。俗。物。眼。底。有。寒。梅。盜。跖。將。何。用。蒙。莊。實。不。材。隋。珠。與。卞。璧。千。載。此。心。灰。

寄懷隨園太史

才。名。在。南。國。潘。令。最。風。流。愛。客。有。青。眼。吟。詩。今。白。頭。好。花。金。谷。宴。明。月。玉。人。樓。幾。度。臨。風。想。况。當。鴻。雁。秋。

送魯星村

芳。草。碧。無。際。鳥。聲。啼。不。休。君。今。從。此。去。我。意。豈。能。留。落。日。一。樽。酒。西。風。千。里。舟。宵。來。月。色。好。獨。自。倚。書。樓。

魯星村曰梅顛又有立春日送予還皖一絕云連朝把晤向山城白眼高歌滿市驚不道春來君又去離愁芳草一時生又見懷句云有夢難飛大江此身常在故人前同一纏絲可感

寄題王玉峯別駕樂餘亭

政。簡。有。餘。閒。亭。開。夕。照。間。時。同。賦。詩。客。來。看。隔。江。山。帆。影。鳥。邊。度。塵。氛。畫。裏。刪。磨。驢。徒。自。媿。何。日。得。追。攀。

天河

一。水。橫。天。上。無。聲。萬。里。流。浸。將。星。月。冷。洗。出。古。今。  
秋。未。必。生。波。浪。何。曾。渡。女。牛。涼。風。中。夜。發。隨。意。動。  
簾。鈎。

梅花

老。樹。凍。欲。折。花。生。一。夜。中。乾。坤。深。有。意。冰。雪。豈。能。  
窮。茅。屋。三。更。月。谿。橋。薄。暮。風。孤。山。逋。老。後。知。已。竟。  
誰。同。

空。山。開。自。落。寂。寂。歷。嚴。冬。野。老。來。幽。徑。微。吟。曳。短。

筇。泉。鳴。當。礧。石。鶴。立。帶。雲。松。不。信。羅。浮。夢。猶。為。悅。  
已。容。

雖。在。人。間。世。幽。姿。少。與。雙。風。聲。搖。紙。帳。月。影。到。書。  
窻。秋。水。幾。回。讀。霜。鐘。何。處。撞。此。時。清。興。劇。不。覺。睡。  
魔。降。

孤。芳。能。自。信。何。必。在。人。知。殘。雪。初。消。後。嚴。寒。又。起。  
時。絕。無。煙。火。氣。恰。有。兩。三。枝。仙。客。如。相。訪。休。教。缺。  
笛。吹。

隔。年。花。始。見。如。望。故。人。歸。靜。對。情。何。限。忘。言。意。自。

今言所見身邊  
微呼童移竹榻。把酒倚荆扉。枝上幽禽噪。前山正夕霏。

數里前村路。來過隱者居。短牆苔色古。曲徑竹陰疎。為問修琴訣。兼鈔種藥書。寒柯生意滿。春信定何如。

自抱煙霞癖。居然山澤臞。可堪醫白俗。直欲傲倪迂。至味歸平澹。奇文信有無。歲寒猶見汝。松柏未為孤。

草閣當斜照。憑欄見隔谿。澹煙臨斷岸。枯柳倚長隄。酒店蘆簾靜。漁家板屋低。幅巾何處叟。獨立小橋西。

釋竹軒曰。黃浩翁謂華光長老畫梅如嫩寒春曉。行孤山水邊籬落。但欠香耳。朽于此詩亦云。

去歲城西路。探幽過斷崖。正逢寒藥放。且喜素心偕。日影閒松閣。苔痕冷石堦。雖無觴與詠。亦是散襟懷。

老龍蟠瘦骨。古鏡裹蒼苔。百卉少生色。多君能獨開。酒錢懸杖去。詩叟跨驢來。不識山中樹。曾經幾劫灰。

劫灰

高潔任天真。空山託此身。乾坤與霜雪。歲月老精神。芝草爲奇俠。黃花是逸民。江南多少樹。無爾不成春。

徐癯仙曰與梅傳神。爲自寫照。結則吾家巢友所謂目無青黛四山空也。

香。色。若。無。意。仙。凡。信。有。分。嚴。寒。不。出。戶。著。屐。爲。尋。君。數。點。照。青。眼。一。株。橫。白。雲。書。聲。何。處。發。隱。隱。隔。林。間。

幾家人境外。水竹合成村。野色雲迷迳。琴聲雀應門。乾坤茅屋小。詩酒布衣尊。共坐看庭樹。疎花破

混元。

雲容將釀雪。山意竟衝寒。一樹未曾放。數枝偏耐看。騷人忘作佩。仙客待爲飡。不恨當遲暮。從來知已難。

乾坤生汝日。便許老空山。况我難諧俗。雖貧不礙閒。興來忘遠近。到處爲躋攀。但有寒花在。頽然一破顏。

詩僧藏骨壙。江上數峯前。百樹今何有。此行空惘然。野禽啼亂竹。清磬發孤烟。不及買春筆。一枝人

共傳

梅顛自註詩僧漸江畫仿佛高士間寫梅一枝以換酒得者珍之骨增在西干日梅花古衲墓

有客來元墓言曾就友邀寒林看十里樹樹剪冰

稍愧我因途遠無由泛短橈同來香雪海覓句滿

詩瓢

幽壑當歲暮憶汝似心交踏雪遠相訪都將塵事

拋纔過前渡口又上古城坳不覺歸來晚柴門帶

月敲

精舍何年有依巖結構牢雲霞饒逸趣泉石絕清

高繞屋花無數巡檐笑幾遭老僧能不厭來此莫

辭勞

記得江邊驛廿年曾此過垂垂花滿樹今日復如

何我已違鴻雁天應老薜蘿無人折相贈空負故

情多

老松應自媿古態失盤拏倔強挺鍊榦妥帖粘冰

花天地此閉塞陽和生萌芽定教浮海客認爾是

仙槎

我家溪水北舊有讀書堂一樹當門外多年橫路

今言所身集選  
傍月寒空有影風細欲無香不意淹城市而今日就荒

德樹盒日空有影欲無香極化腐為新之妙梅苑得此直欲奪玉局之標豈但拔青邱之幟

寒林無雜樹古幹自縱橫風雪經時久花枝隨意

生看忘山月上坐愛石牀平相對不能去悠悠遺

世情

有客耽仙術岩扉久不扃和雲飡石髓對月讀丹

經皎好顏如玉清臞崔似形高蹤邈難企物表白

亭亭

乘舟江路晚因訪水雲僧孤嶼聞鐘得寒林覓逕

登虬身踞幽石雪髮倚枯藤古貌有如此生平見

未曾

尚覺瑤華在吟詩紀夢遊疎鐘雲外寺殘月水邊

樓有色偏宜澹微香信自幽非闕塵不染孤韻本

清流

劉海峯日不疾不徐才嘗施椎鑿之功梅花之神已得于語言文字之外

方雪飄日心有天游清香襲齒恨不能起金風

亭長而與之共賞洗硯池頭墨痕澹化世有王

影。遂沿為活計。詠梅者。率如椀脫校書。了無生氣。吾家梅顛。以雋上之才。創變其體。不著一字。盡得風流。而稽旨阮情。自冷然。流露于筆墨之外。余年來浪迹風塵。得此冰雪一卷。常以自攜。遠勝趙紫芝。飽喫梅花數斗。黃赤城曰。顛叟甘貧癖。詩。所作極富。北谿草堂集外。其讀史曰。浮白吟。懷人曰。折芳吟。遊黃山曰。蠡測吟。詠雪曰。冰蠶吟。詠梅曰。冷香吟。紅葉日。染秋吟。賦。百花曰。羣芳偶吟。雁字曰。寫秋吟。禽言曰。砭耳吟。書中。乾蝴蝶曰。伴蟬吟。每吟皆數。十百篇。顛叟下世後。予弟心齋。慟知已之云。亡。過酒壚而悲愴。哭以七言三十律。其中句云。夜臺莫更傷貧困。積得家私有十吟。紀實也。茲刻詠梅。是從冷香吟中選出者。廿六首。冰雪爭其聰明。煙霞鍊其氣骨。空山獨立。我法自行。顛叟于是足以傳矣。

劉鶴鳴

松崖廣東香山。松崖詩文集。

楸山詩話。松崖寓澧。近三十年。性恬靜。垂簾一字。掃地焚香。危坐終日。惟左右圖史而已。或偕一二知己。尋水望山。吟詠自適。晚年學益邃。問奇者日益眾。松崖口授指畫。日益不疲。蘭江人士。決科能文者。多出其門。學者稱松崖先生云。曩與予論詩。謂如建章宮。千門萬戶。當閱歷使。遍然後。挾去籜籬。別尋妙悟。持論如此。是不屑僅以名家傳世者。

題墨菊

尺。氣。蕭。森。離。離。露。光。濕。草。堂。五。月。中。西。風。何。太。急。虛。懸。蛺。蝶。心。恐。招。絡。緯。泣。書。客。感。秋。蓬。後。時。驚。獨立。



秦錦江曰直是嗣宗詠懷  
子昂感遇勿作詠物觀

秋夜讀莊子

眠起無定時。載籍泛漁獵。每當秋夜長。宵分不交  
睫。浮文已厭觀。漆園書在篋。覽之未終篇。紛如木  
落葉。掃除不留餘。色相總無涉。大哉造化根。吾生  
真夢蝶。悠然順所適。輕舟不用楫。晚歲識夷途。至  
理今始愜。何用事篇章。繁言徒喋喋。

大德寺觀吳道子所畫十八羅漢圖

大德寺中羅漢十八幅。云是開元道子之所貽。形  
容古峭異。近製絹素黯。淡非今絲。斐然展拂神志  
肅。賓客嘆息相矐眙。識者稍稍辨真贗。軸尾惜未  
書。干支相其草草。落筆皆離奇。總非近代畫。手能  
得之清。雄美醜各異態。雜以碧綠丹黃。緇黔者鐵  
石質。皙者冰雪肌。慈者挹碎盎。剛者駭髮髻。鸞鶴  
夭矯露光怪。虬龍倔強摧髯而坐。下虎豹犀象獅  
馴擾。懼伏惟指頤。當年徒衆有八百。橫度震旦無  
羈縻。或居天台之杳靄。或居雁蕩之厓屨。山水佳  
處愛棲息。蘭江或是神所私。咄咄吳道子。今古稱

畫師荆關董巨何足道。尉遲立本時肩隨。流傳至今一千載。重之不啻古鼎彝。我欲購長絹。狂毛束筆研隃糜。惜無好手爲摹搨。對此神物空嗟咨。還僧此圖須愛惜。藏之什襲時一披。能令魑魅卻走山精馳。

高棅庵曰連下一首非不勑授浩翁燈傳坡老卻能離貌取神自運杼軸所謂不向如來行處行乃證無上果位者

題袁安臥雪圖

甘瓜朱李井華濡。閉門跣足思江湖。桃笙初陳日

初烈。有客示我袁安臥雪圖。寒光皛皛清入骨。忽然跣足冰玉壺。亂灑梅花徧九陌。茅簷低過埋繩樞。千年老樹啼飢鳥。豈有炊煙生庖廚。此公僵臥凍不枯。滿庭積素排清虛。喬松傲霜骨如鐵。肯借暖律爲吹噓。去年曾見襄陽像。踏雪尋梅跨蹇驢。江山點綴亦清妙。不若此本尤懸殊。游息動靜各有理。高人意趣驚傭奴。洛陽大尹強解事。殷勤存問勞招呼。平生未下徐孺榻。今來聒噪胡爲乎。瓊樓咫尺正可到。門庭皎皎遭君汙。長安紛紛干謁

徒疲衛破帽。當風趨持刺。到門被嗔喝。手足皸瘃。  
鞞紋粗。豈知逸事傳千古。輕裘駿馬成土苴。我願  
良工圖萬紙。散與寒士張庭除。高臥聊且爲歡娛。  
嗚呼高臥聊且爲歡娛。洛陽此尹今亦無。

古鏡

不辨何時物。爛斑歲代更。故人離別盡。國色幾曾  
生。製作先民意。鴻濛上古情。勸君休拂拭。原忌太  
分明。

水面落花

老眼逢搖落。紛紛夜雨餘。紅顏今累汝。白髮轉愁  
予。狼藉將誰怨。飄流信所如。江湖多好伴。斷梗一  
相於。

歸燕

旅泊難終歲。西風吹汝寒。豈忘王謝好。還戀海天  
寬。南雁堪爲侶。秋鷹莫妄干。可能霜雪夜。一念主  
人單。

鬪蟋蟀

不幸生牙爪。微軀亦可傷。跳梁多草澤。奮臂似螳。

今言身集選  
螭。逞。怒。終。爲。累。哀。吟。或。未。妨。紛。紛。誰。物。色。愧。殺。半。閒。堂。

老馬

一。蹶。難。防。衰。病。侵。駑。駘。爭。笑。價。千。金。眼。穿。落。日。窮。途。淚。頭。掉。西。風。老。將。心。孤。竹。道。遙。猶。記。識。僕。姑。痕。在。尙。呻。吟。天。閑。苜。蓿。知。無。分。縱。遇。孫。陽。已。到。今。

放鷹

久。繫。長。思。天。地。寬。錦。繆。一。脫。到。雲。端。三。秋。爲。爾。生。顏。色。萬。里。憑。誰。寄。膽。肝。逸。翻。騰。空。碧。落。隘。金。眸。側。

射。大。荒。寒。郊。原。無。數。齊。飛。走。中。有。梟。鸞。仔。細。看。

楸山詩話體物詩。吳梅顛以莽蒼勝。此以沉鬱見長。六首託興緣情。全得杜陵三昧。

湘南懷古

祝。融。山。色。照。湘。濱。九。轉。孤。帆。溯。去。津。地。與。芬。芳。憐。帝。子。天。留。窟。宅。住。騷。人。風。高。野。鵬。啼。荒。戍。日。暮。江。魚。散。綠。蘋。更。讀。少。陵。詩。百。遍。千。秋。流。寓。總。傷。神。

赤壁覽古

逝。水。東。流。戰。伐。塵。紛。紛。蠻。觸。總。傷。神。豈。知。橫。槩。賦。詩。者。不。及。當。筵。顧。曲。人。割。據。英。雄。空。異。代。江。山。文。

藻屬閒身放懷今古知何許留得坡公兩賦新

魯星村曰三四口頭語未

經人道拈出耳目一新

周南垣曰以上諸律佳處突過

錢郎下亦不失為青邱大復

遊彭山寺

嶺上暮雲還山下炊烟起歸路晚濛濛鐘聲度寒水

楊柳枝詞 二首

雨歇紅橋夕照時綠陰搖曳盡垂絲怪他飛絮無窮恨猶與行人管別離

風流絕世楚宮腰紫燕黃鸝不待招願向水村深處住教人休見短長條

此處有極淡的印文，內容模糊，似為另一篇詩文的殘留。

楊瑞 湘崖 湖南武陵人 翠雲螺詩文集

櫛山詩話：湘崖幼而神慧，賦才最敏。其鄉人有楊大年，復生之日，晚貢成均，司教安仁，竟以終老。閨人趙月華，亦能詩善書，文簫綵鸞，世多艷稱之。常以梅花小閣唱和詩冊見寄，余題頁尾云：首菴闌干，因一瓊，六朝風調數盈川，祇將閨閣誇才思，銷耗雄心亦可憐。

舟中望衡山  
天清日落搖霜篷，大風迅掃翠四空。  
望見七十二峯，蔚鬱窈杳青濛濛。  
不知嶄嶮岵嶸萬千狀，何者為天柱，為祝融。  
峯峯勢到天，嬋娟何丰茸。  
滄溟盪雲海，幻滅御龍公。  
但見羽人絳節叱元馭，雷車電

今言身集選  
韞莘莘紛追從。靈之來兮紫燄爍。又似朱勒赤鞮  
被長離而翼穹窿。鉤陳閣道界天漢。炎帝赫奕位  
當中。神官纓絡麗兩翼。赤虬撫護鞭白虹。倒吸洞  
庭水。砰礚轟飛淙紺碧。五文采錯落火雲烘。元氣  
至此大發泄。斧莖倒薤神無功。終南少室培塿耳。  
瑰瑋不敢談華嵩。更一萬丈凌絕頂。紫蓋截喋當  
璇穹。靈岩遠連玉女觀。天門斜對蓬萊宮。東瀛日  
出駿霞沸。扶桑倒壓波濤紅。大哉坤軸內。一柱東  
南雄。詩人遷客工琢鏤。刻露無力追天工。憶我艤

舟今幾度。靈境髣髴心胷。峭帆又復阻攀陟。蒼  
翠撲面辜吟筇。安得米顛顧癡大。渲染使我終日  
臥對探奇蹤。

朱欄東曰。伐材騷選。取法  
李韓。碧爛金輝。縛而有骨。

武昌

大別山前水倒流。令人惆悵憶孫劉。書生竟有全  
吳計。天意何曾爲蜀謀。楊柳旌旗江上酒。仙人黃  
鶴水邊樓。也知興廢尋常事。獨有閒情狎水鷗。

荆江

今言成身集選  
蹋閣攀林望眼空大江縈抱畫濛濛中原舊扼荆  
關險重鎮遙分井絡雄山色岷峨青欲斷春潮沔  
漢碧無窮不須更續英雄記郢笛蕭蕭曲未終

登岳陽樓

東枕巴邱俯漢川望中縹緲見湘烟黃陵花落湖  
邊寺青草波平鏡裏天唐宋題名人幾在荆吳遺  
恨事空傳君山一抹青如舊不待登臨始慨然

秦松嵐曰諸律在唐賢中最近樊川丁卯

題桃花冊子

四首

東風吹上赤闌頭金粉零星問玉鈎又是嘉陵好  
時節夕陽依舊半紅樓

一種香魂不肯消紅燈人度可憐宵風風雨雨  
蕪路記過城南第五橋

牆西相見動經年曾記題紅結小緣看遍蜀箋題  
句在一春心事怨啼鵑  
三十三灣綠乍生鈿蟬金鴈不勝情春風一種  
縵恨幾日傷心賦得成

花朝



柳邊江館綠迢迢。客思經春驛路遙。聽到畫梁新燕語。不知今日是花朝。

淶江館次

雲簾風幔又天涯。好好溪山亦當家。手展畫看吟卷子。去年今日見梅花。

題朱礪東畫蘭

蕭蕭瑟瑟逼清秋。雨意烟容翠四周。總為美人清怨切。碧花紅穗寫閒愁。

灑陽絕句

十八灘頭一葉舟。沙苔岸草綠油油。灑陽到日花如雪。記得題詩滿驛樓。

為劉梅莊題桃花幀子

春水橋南憶舊居。晉源唐觀夢蕪疎。一枝依約風簾下。還似當時見面初。

胡習亭曰。請絕如萼綠飛瓊。風神絕世。又如古梅山茶。香艷中自見清老。漁洋而在。定當把臂傾心。豈近日墨守精華錄。擗捨李義山輩所能夢見。

淡雲晴雨... 十八...

鄭棠

青嵐安徽歙縣人青嵐集

楮山詩話北谿稱老顛不顛于取友為余道鄭... 在忘機談藝不我醜出其所著書盈尺令去取... 古體氣清拔著意于韋柳格詩致麗都珠波翻... 雪藕近來學玉臺無人出其右此論頗謂公北... 谿亦肯首無何腹雷鳴促我風塵走四載仰屋... 梁中各傷楚白硯田蕪沒未酒戶寬大否最憶... 酌清鐙荒園淪秋非右五言二十六句予癸卯... 歲有懷青嵐而作也青嵐于吳丈梅顛座上謬... 賞予詩遂訂千秋一螺居吳丈齋名予與青嵐... 皆有騎省之感別且十四年矣僅記得渠秋宮... 怨一首錄以問世寫美人遲暮之感能含蓄不... 露唐賢中有數之作嘗... 鼎一巒可知全味矣

秋宮怨

三十六宮秋梧桐葉葉愁美人深碧裏團扇墜高樓

吳梅顛曰不言怨而怨自深細思方知其妙朱礪東曰絕妙一幅班婕妤好小影祇以二十字繪出直令周昉王守正斂手嘆絕

高汝堂

棧庭湖北漢陽籍江蘇上元人壽庵詩草

楮山詩話棧庭為漢陽詩人朱定山入室弟子與予同客蘭江十載性孤冷有吟癖近市一廛恒鍵戶獨哦最愛柳賦詩多至百餘篇其春柳句云情緒自能牽士女風流亦可動君王風調一何娟妙又棧庭會誦山右一賈客句云遠山霜後見淺水凍來乾頗類賈島佛惜失記姓氏

赴吳門留別漢江同好

沉。湘。忽。不。去。倉。卒。向。吳。門。人。事。誠。難。定。窮。通。豈。易。言。晚。潮。浮。海。月。夜。雨。入。江。村。天。地。誰。青。眼。孤。篷。與。酒。樽。

嚴藻庭曰有隨州之韻兼工部之沉

蘭江別劉松崖嚴藻庭

春。水。碧。如。油。潺。潺。送。客。舟。有。人。如。春。水。心。欲。共。東。  
流。梅。嶺。迷。仙。蝶。蘭。汀。戀。海。鷗。二。三。遲。去。住。無。紙。寫。  
離。憂。

探梅

空。林。中。有。氣。望。裏。久。徘徊。冰。雪。層。層。重。芳。香。暗。暗。  
催。正。教。傷。歲。暮。忽。訝。是。春。回。古。道。荒。園。夕。衝。寒。特。  
地。來。

周南垣曰起五字探梅詩得未曾有與  
朱礪東紅氣通林花欲放一樣奇造

宿芭蕉灘

朝。發。燕。子。岩。暮。宿。芭。蕉。灘。臥。聽。芭。蕉。雨。秋。谿。生。夜。  
寒。

枕上

糊。枕。上。得。新。句。挑。燈。起。卽。書。一。回。秋。夢。醒。猶。恐。記。糝。

古意

眠。當。壚。勸。君。飲。妾。酒。不。要。錢。楚。山。一。萬。重。愁。郎。獨。白。

秋柳二首

斷續蟬鳴黃葉村烟銷月冷瘦吟魂欲眠欲起傷

情甚羌笛聲殘記爪痕

江北江南去路遙碧雲綠草恨難銷參差隔水兩

湯秋林日題熟語生風致如畫

題黃心盒雪美人詩後二首

薄幙寒生碧玉堂永安月殿憶劉郎梅花落在雲  
鬟上自有天然一段香

十年縞紵舊情深惟有冰霜結寸心但恐陽和消  
息動歸歟何處對知音

七夕

瓜果陳歡月二更老妻猶記說長生今宵莫誦公  
無渡恐令雙星渡不成

范蓮賓曰音節悲涼足以感均頑艷

無窮。愁合雙眉。怨不似。果。刺。刺。以。三。更。未。盡。餘。霜。倚。鏡。尋。半。今。曾。莫。謂。公。

下。半。游。春。竹。葉。新。雨。水。深。綠。女。心。已。恐。別。床。前。

孫承恩

芷鄰湖南澧州人聽松樓詩文集

楮山詩話芷鄰自幼嗜古兼工書畫旁及桐君中歲肄業太學與會稽實齋章學誠遊朱竹君先生門又嘗寓織府第發其藏書折節讀三年旋棄去走齊魯幽豫南跡沅湘夜郎獠崗所至名勝輒流連不置為鼎州廣文歸澧築聽松樓于西山萬松中捶琴哦詩聲日與雪瀑風濤相聞作發為詩文益奇古峭潔余昔作舟中懷人絕句云紫髯碧眼氣橫秋擁被挑鐙話九州別後相思夢君處山間明月聽松樓其人其地渺渺兮長繫予懷也

長相思

長相思。人何處。柳閒鶯鶯啼。梁上燕燕語。日高不捲簾。飛花攪獨慮。空有東南風。何曾吹愁去。

王秉成日六朝人口吻

今夕行

今夕爲何夕。涼天木葉垂。木葉離根蒂。各自上下。四方吹底事。一片心。使我終日空。自懷歸爲出門。訪交識。遙遙有所思。入門斟美酒。獨飲無歡期。無歡期有夢。尋遊絲。嬾空。轆轤轉。天長路遠。勞人心。君不見淶浦兩鴛央。一去一留不相將。君不見紅

章實齋曰。似鮑明遠。

節婦詞

園雙粉蛾。帖死屏風。獨奈何。大風吹落天山雪。繞指柔腸。化爲鐵。膝下黃口兒。獨姑老無齒。上堂乳其姑。撥灰教其子。流水流恨思。白日照芳姿。白日西沒還。東生流水東流無還時。

朱竹君曰。結致純從太白脫出。恐難得于宋四名家。

輕浪灘引

鷓鴣啼杜宇。飛行不得也。不如歸。行路難起長歎。伏波廟前。輕浪灘。輕浪灘長四十里。噴沫跳珠怒濤起。沿岸峭嶂天削成。深林密箐古難名。喬如黑

今言所見身運  
髻圓如螺。如戟如角。如頂平有爲象之眠。有爲牛  
之行。或疑往而復。或爲曲而橫。辰谿之山不可極。  
辰谿之水那可識。石橫中流浪花偏。一折兩折灘  
轉仄。幾篙支拄一篙息。欲上不上汗流臆。人生苦  
無凌風翼。嗚呼用盡舟師力。

譚立齋曰起似李結似杜  
中乃韓之南山一味譎變

瘦馬行

敲肋帶銅聲。瘦馬非老馬。多緣骨相屯。繫致長楸  
下。我行夜郎道。就問廝養卒。先時豪客走滇南。畏

途巉岩古百粵。黃金市得烏蒙驪。驍騰汗赭神英  
發。赤手窮歷幾風霜。豆料不充枯欲僵。俠士解劍  
壯心死。此馬亦已遭元黃。以後無復騁康莊。一夏  
負鹽不休息。至今解鞍烏啄創。棄置亦偶爾。俗情  
終悠忽。不見韓幹圖。畫肉不畫骨。畫肉使馬肥。畫  
骨馬頓蹶。肥馬連錢動。昂首蹠躩當風嘶。瘦馬那  
肯垂頭喪真氣。皮乾剝落價值低。從知瘦有骨。乃  
是鋒稜出。憶昔冀北遊。名閑多駿質。追風頗黎宛  
西匹。磊落筋骨與此一重日。房精耳竹批翩翩。伏



今言所身集選  
櫪。翹。蹠。戀。錦。韉。縱。死。莫。受。駟。僧。憐。古。來。老。馬。難。爲。  
駒。齒。禿。唇。長。良。堪。吁。齒。禿。唇。長。良。堪。吁。何。不。未。老。  
備。馳。驅。秋。風。一。洗。病。骨。蘇。豈。無。苜。蓿。與。青。芻。霜。蹄。  
蹴。踏。就。長。途。

朱礪東曰石細路古斑駁陸離幾與少陵硬豎旗幟莫謂杜後遂無馬詩也

古風 七首

言尋蓮葉飲竊效子晉吹煨永經幾載松喬不吾  
期驅車返舊里去上西山陞蕙蘭被野逕采采遺  
所思所思日零落路遠不可知娟娟春蠶老不應  
常懷絲懷絲終何益纏絲無已時

戴香峯曰樂府遺音

萋萋春來草茸茸生崇岡常恐鶉鳩恨不爲及時  
芳蕩子十餘載佳人守空房盛年懷苦辛音塵日  
渺茫欲奏清商曲曲中多感傷願附西州夢及早  
整衣裳

李花樓曰飲醇酒炙肥牛請呼心所歡亦是此意曲曲寫來具有遲暮之感

團團天上月照我門前水月色清如許美人一千  
里涼風入懷吹飄飄輕袂起此亦無已時相契觀

無始。

譚立齋曰起局偶然得之有數存乎其間。

卷卷楓樹葉。隕霜走空林。紛飛各殊勢。聚散兩地心。昔我忘年友。一顧重千金。浮雲從長風。車馬逝駸駸。江永漢亦廣。廿載悵分襟。索居易為感。茫然不可尋。願隨西北風。吹夢到綠潯。山椒有新篁。山雲露華泣。日夕坐荆扉。無肉對強飯。雲色何青青。余心棲絕巘。留之且莫去。與爾同舒卷。

俞舊橋曰結致輕省。如不經意。是謫仙吐屬。

榕陰一新蟬。薄暮嘒唳啼。啼聲未及已。曳之上柳堤。含情獨不語。披襟坐水西。怨女懷春日。春日草萋萋。志士悲秋夕。黃葉山徑迷。悅此涼蟾輝。攬之照幽栖。

譚立齋曰即日會心悠然自遠。

晻晻山之幽。澌澌澗水涘。旁有小柴荆。紙窗烏皮几。野田生香芹。牝壑長芳芷。日夕把道書。小隱吳差市。牆角松風多。縹緗披圖史。啟戶延松風。開門

拾松子。蟲魚本。凡猥委頓俗所鄙。不賦淮南招淪茗。白雲裏。

田家 二首

牆角桑榆樹。翳翳綠葉大。謀生行及時。事業在耕播。息心感羣動。鳴禽變幾箇。勞我叱犢人。汲汲防其惰。力田期逢年。終歲費勤課。豈必求贏餘。所希遠乏餓。洞口桃花飛。吾寧憂無和。濕霧暗村落。侵早露煦煦。照被衣帶。夢起謾謾聞松嘯。鄉鄰款柴扉。並坐共臨眺。禾苗當風榮。寒暑相

警告歡言。摘園蔬。脫粟不計報。既飽各已歸。有酒或相召。媵睦隨風俗。斟酌省禮貌。菜羹俗所欣。底事揆曹好。

龔荻浦曰陶之高絕。只是字字真。芷鄰此作。可謂探驪得珠。

都門南歸留別章實齋劉丹峯  
君常愁我去。勘以為懽。慕來日竟別。君迢迢燕山。路雞鳴曉。氣寒雪花吹上樹。回首一相思。茫茫如烟霧。

譚立齋曰短製直造。朝川之室。良由情深。然後法老。故知徒法未易易也。

寄曲陽明府陳丈曉蒼

昔。登。定。武。城。以。望。曲。陽。山。山。連。太。行。起。紫。霄。落。日。  
閒。美。人。含。睇。笑。當。風。理。雲。鬟。慙。結。蹇。修。烟。月。賦。  
閒。關。彩。雲。之。仙。人。蒼。蒼。古。時。顏。手。持。綠。玉。杖。教。我。  
東。南。還。香。風。洒。絕。壑。靈。蹤。不。可。攀。空。留。鉛。刀。割。長。  
此。守。鈍。頑。所。以。日。悵。望。煩。憂。杳。難。刪。

章實齋曰一無寒酸氣二無紗帽氣三無學究氣其有道氣乎供奉得意要只是脫一脫化便足。是以感人矣。

菊苑

虛。牆。絡。緯。背。秋。泣。粉。花。露。珠。飲。幽。澁。瞰。氣。籬。落。寒。  
光。入。黃。蜂。寂。闌。蛺。蝶。濕。長。安。書。客。繡。袂。襲。口。角。沫。  
流。手。披。緝。九。仙。瑤。草。俛。掇。拾。颯。沓。菊。苑。秋。風。急。

朱礪東曰稜稜風岸苦擬二昌。

長夏睡起

黑。甜。午。枕。驅。懊。惱。邯。鄲。南。柯。夢。總。好。覺。來。小。立。藉。  
蒼。苔。一。徑。榕。陰。濃。不。掃。梧。皋。亭。前。山。如。屏。屏。上。蝴。  
蝶。飛。綠。草。驚。呼。封。姨。搖。大。扇。樹。頭。微。風。擺。蘿。薦。人。  
生。但。得。綏。山。桃。烹。茗。把。盞。興。亦。豪。脈。脈。仰。視。天。界。

高。

題龔湘浦墨蘭

湘浦漁郎清如雪。空谷生涯妙點綴。生來窮相赤  
酒。酒。不將幽事對人說。為我醉時開愁腕。枯死鳳  
眼。黑。屈。鍊。蒿。里。歌。罷。二。十。春。閉。之。篋。笥。生。香。烈。東  
風。年。年。長。嫩。柔。搖。捎。莖。葉。無。殘。缺。花。蟲。蟬。蠹。猶。愛  
憐。矧。乃。素。心。肯。磨。滅。掛。之。堂。上。十。日。遊。真。氣。充。斥  
橫。迸。裂。美。人。一。去。不。歸。來。香。草。萋。萋。誰。初。結。

王四橋曰漁郎骨傲藝高不欲以藝名芷鄰與作寫蘭知已情至感摯故遂成此佳構

一 楮山詩話芷鄰論詩主瘦削此篇筆確到底無一癡肥語枯死鳳眼黑屈鍊昌黎句非昌谷也

桃源

投宿古江村。維舟淺水痕。孤帆愁小倦。細雨怯初  
昏。漁唱侵雲濕。灘聲倚夢喧。仙津空自泛。何處認  
桃源。

戴香峯曰孤帆十字直造浣花之室

呂店驛

春氣盪平蕪。歸鴻路轉紆。村荒愁儉歲。馬倦怯長  
途。破驛眠看月。重關曉聽烏。東南知已在不慮暗

投珠

釋竹軒曰頸聯堪敵坡公  
磨廳號古戍霧雨暗破驛

武陵訪鄭松莊

幾年惆悵別雷陳。過訪江干韶景新。  
暖日初多穿水燕。斜風正有峭帆人。  
桃花林漲烟浮郭。楊柳堤高浪打春。  
移岸欲尋通德里。村堆萬屋瓦鱗鱗。

譚立齋曰七律難在取氣舒徐盛唐人不可及  
以此時人句子動是推敲過火去優柔興感之  
旨便遠咏芷鄰此篇自得其解

送潘文夫歸沅

襟衫荏苒舊風塵。曲唱陽關意倍親。  
日下羈遊今幾載。楚中歸去正三春。  
晴吹柳色幽州路。暖入桃花沅水人。  
別後相思何處好。彌空雲物總輪囷。

章實齋曰五六景  
中有情詩中有畫

捲簾

捲簾下庭除。春宵浩無旣。  
月滿露光深。一園百花氣。

譚立齋曰一種道  
氣禪心等閒拈出

秋來

古壁莎雞語。秋風蝙蝠飛。驚心千里客。獨自檢寒衣。

古送行曲

雞鳴送行人。行行天且曙。平遠未有山。極目望君去。

大堤曲

落日大堤上。晚粧明如玉。郎來柳葉青。郎去漢水綠。

朱禰東日情深韻  
古。前溪子夜之遺。

偶成

黃葉深林噪晚鴉。秋山秋水夕陽斜。寒皋亭畔渾無事。小立西風數菊花。

漳水

漳水無情東去遲。銅臺埋沒古胭脂。何人指點西陵樹。塌盡荒墳再不疑。

姚夢香曰阿瞞  
有知。當為憮然。

蕩陰

輦道忠魂歲月深。平蕪回首見霜林。偏多柿葉紅。

如血殘照西風出蕩陰

朱竹君日用事化極

山茶

鉤勒尖風整晚粧。南園猶賸犯寒香。早知能與梅為對。休隔春天問海棠。

王秉成日咏物至此可謂超脫之極

楊花

亂落江天攪夢遲。東風晴日雪迷離。龍山古店征人路。不撲春衫撲酒旗。

秦懋效

松嵐山西陵川人秋林集

楸山詩話松嵐集舊名雲窩因余贈詩有人間比似君詩境黃葉蕭蕭秋滿林之句遂易今名南學詩于全椒汪桑根先生得其指授五律俊逸澹雅居然長城又予曾以駢語序其詩云晉陽汾水之畔世外佳人開元大歷而還曲中絕唱聞者以為知言

峪河雨中望駝佛寺

沿谿路不窮。幽興何時已。微雨潭上來。溪風弄芳芷。野鳥寒欲飛。沙際聚還止。隔岸望招提。濛濛烟霧裏。

周南垣曰扶韋之髓非徒兒似



同張伯琴平川看牡丹中途阻雨

故。人。惜。春。殘。招。我。尋。春。去。山。雨。從。東。來。野。風。亂。飛。絮。濛。濛。遠。樹。村。知。是。花。開。處。

病起至後園

幾。日。未。曾。到。莓。苔。滿。院。生。檻。花。含。宿。雨。庭。樹。作。秋。聲。興。嬾。詩。難。就。愁。多。酒。自。傾。晚。來。涼。月。上。蟲。響。逼。

軒楹

釋竹軒日起得樸老。是病起情境。

京邸得家書有懷

風。塵。京。洛。客。回。首。憶。鄉。關。尺。素。此。時。到。故。園。何。日。還。晚。雲。碧。落。寺。秋。雨。黃。花。山。無。限。思。歸。意。開。籠。放。白。鷗。

白雲寺

一。寺。翠。微。裏。亂。山。橫。白。雲。水。從。苔。磴。落。路。向。竹。林。分。雨。止。禪。花。笑。風。閒。佛。鳥。聞。欲。尋。太。行。道。榭。葉。正。紛。紛。

秋夜有懷臥雲南游

寒。雨。止。中。夜。霜。風。西。北。來。秋。聲。不。忍。聽。落。葉。滿。荒。

臺。征。雁。已。將。去。離。人。猶。未。回。黃。花。伴。愁。寂。曉。近。短。籬。開。

懷陽城田楚白

田。子。謀。生。拙。幽。居。四。壁。空。寒。花。秋。逕。澹。古。屋。夜。燈。紅。親。老。米。常。負。家。貧。詩。益。工。析。城。山。色。遠。欲。訪。白。雲。中。

春日過小山別業同苗雪樵

東。風。小。山。路。溪。水。桃。花。香。盡。日。無。人。到。柴。門。春。晝。長。雲。光。映。松。石。鳥。語。在。林。塘。此。地。得。佳。趣。臨。流。泛。

一鴈

雨中過盤沱

暮。雨。渡。盤。沱。煙。深。暗。白。波。空。山。人。迹。少。亂。水。客。愁。多。寥。落。村。墟。宿。荒。寒。野。店。過。秋。林。黃。葉。外。聞。雁。更。如。何。

秋日懷吳鈞煙

鈞煙工畫善琴

秋。山。宜。返。照。紅。樹。晚。雲。深。此。日。偶。相。憶。孤。蹤。何。處。尋。烟。嵐。餘。畫。本。松。石。寄。琴。心。不。盡。故。人。思。寥。寥。聞。暮。砧。

自黃崖底至射丹寺

曲。磴。入。雲。林。林。藏。古。寺。深。松。門。碧。苔。色。花。逕。綠。蘿。陰。泉。石。幽。人。意。烟。霞。老。佛。心。夕。鐘。聲。欲。動。寂。歷。在。東。岑。

雪中過興福寺傅築岩讀書處

流。水。響。冰。谷。雪。明。松。樹。陰。故。人。此。中。隱。雲。掩。暮。山。深。蘿。逕。似。相。識。柴。門。何。處。尋。忽。聞。村。犬。吠。知。是。近。香。林。

熊山尋空翠亭故址

草。樹。亂。荒。逕。夕。陽。空。翠。亭。幾。年。勞。夢。想。此。日。得。來。經。碧。礪。鳥。閒。過。紅。泉。人。靜。聽。下。山。問。村。路。月。已。照。柴。扃。

移竹

我。愛。琅。玕。影。移。來。西。閣。前。清。風。一。以。動。便。覺。聲。蕭。然。冉。冉。幽。蘭。秀。垂。垂。鼓。菊。妍。孤。窻。交。掩。亞。烟。雨。懷。湘。川。

春日原上

春。水。漫。高。下。沿。谿。柳。滿。隄。鳥。鳴。山。翠。裏。家。在。石。橋。

西野火隨風起。桑田帶雨犁。年年原上路。烟草自  
凄迷。

戊申早春保定城外同黃心齋作

春到北原上。依然芳草青。美人惜遲暮。孤客尚飄  
零。柳色不忍見。鳥聲初可聽。獨憐車馬客。擾擾短  
長亭。

湯秋林曰諸律淡而永清而無  
痕有晴雪滿竹隔谿漁舟之致。

白鷺飛復止。晚涼秋水前。柳塘半搖落。斜日山蒼

然。

綿上晚春

花落春將盡。綿山暮雨來。可憐逢此日。孤客獨登  
臺。

家簡夫先生金時布衣有石田茅屋連蘇墳  
之句予既買山龍泉築室未果先作石田

茅屋圖題句示澹圖雲亭蘆洲

種樹十年人未老。堪從此地賦閒居。山中一水清  
如許。日日谿頭坐釣魚。

吾家布衣秦簡夫。蘇墳別業已全蕪。鳳山春雨杏花裏。重寫石田茅屋圖。

沈周畫

淡墨秋山晚照時。霜天搖落雁參差。扁舟記得江南路。黃葉村中舊酒旗。

雨宿山家

風林葉落雁聲殘。雲暗孤村夜欲闌。石溜潺潺秋雨晦。亂山深處一燈寒。

春晴

連朝烟霧暗花辰。寒食濛濛雨似塵。今日登樓看新霽。綠楊紅杏一時春。

重九前一日寄王南村

紅樹秋山畫不真。一天風雨暗蕭辰。來朝又是重陽節。白酒黃花憶故人。

落雁池郝文忠故迹

雁帛傳書人已遠。方塘半畝亦成灰。蕭條落日城南曲。空有馬蘭花亂開。

送張小渠遊百泉

今詩所見集逸  
嘯臺明月竹谿流。未得相從汲縣遊。君到蘇門定  
回首亂山烟雨太行秋。

今詩所見集逸

卷二

古歛黃承增心盒甫輯

陶

璜

澹山浙江會稽人。送情集

包尹農曰澹山詩。流連往復。不巉刻而其情。宥  
然以深。不激昂而其音。悠然以長。未嘗不用法  
而澹蕩自如。未嘗不言格。而肫懷白露。咀而味  
之。蓋淵乎藹乎。詩如其人也。已。  
劉鹿柴題澹山出塞詩。後云。長城北。鎖雁門。開  
雁影。遙從絕幕來。朔月邊。霜詩。思苦望雲還。上  
李陵臺。  
儲山詩。話澹山。玉抱靛輝。蘭襟闕郁。翛然物表。  
發而為詩。句如不知。白日去。祇覺暮。雲閒。餘雪  
團。天影流。澌送。月聲。鳥飛。三楚樹。人立。五更鍾。  
細水交。平野重。雲走。亂山。三。月。寒。光。生。日。午。隔。  
年。冰。雪。壓。山。陰。夜。躍。魚。龍。湖。半。落。秋。高。雁。鷺。月。

初寒并疑練啟秀丙辰夏予南歸題其集錄別  
云寒潭花放澹而馨衣盃心知授祖庭語要超  
凡鬚判白譚能入鼓眼終青閒野艇遵前渚  
暖暖孤煙出遠汀攜取一編江海去譜琴彈與  
伯牙聽友其人讀其  
詩者僉避予言也

上蔡道中

青青陌上柳送我出橫塘十步九回顧愛此清陰  
長疎雨忽西來衣裳生微涼陰晴一水殊隔岸明  
斜陽春草萋以綠夕風散幽芳野鳥相逐歸而我  
客他邦遙望南飛雲渺渺隔江鄉

暮春有懷

侵跡幽篁裏與石成三戶伊人天一方積念易時  
序故燕乍歸巢新筍已盈圃薄暮起層陰流霞澹  
疎雨矯首望停雲彷彿覩斜宇悠悠霄壤間相去  
復幾許我心如茹荼君懷諒亦苦

月夜撫琴會錢大湘船時將南還兼以留別  
宵光生虛室滌我穢濁心冥情揮綠綺戚戚多哀  
音一身繫塵網擇木慚良禽而與子初識歡若平  
生親人琴澹復澹感孚得其真木落吹邊風蕭蕭  
逐征鴻感此懷故鄉雲水何空濛淡旬聚不足一

朝別忽忽。同在天一涯。孰比絲與桐。絲桐無或離。  
人生有特別。臨別令人愁。何如不相識。

丁午橋曰。前半慨慷。後半絲薦。王印潭曰。惟質故厚。惟澹故永。

聞雁

飄零及爾類。况復是深秋。故土偏難托。他鄉詎可  
留。風高行欲斷。霜冷野何求。望盡清霄影。徒增逆  
旅愁。

丁午橋曰。一起警拔。意在象先。竟體正喻兼到。神來興往之作。

病起懷張四又伯

千里謀甘旨。殘年別老親。天心哀令子。塵網厄騷  
人。木落燈前夢。風欺病後身。飄零猶伏枕。何以慰  
蕭晨。

晚眺

歸禽忽在目。倚岫白雲深。新月墮初夜。疎星翳晚  
陰。野涼孤客影。秋入故園心。自笑歸無計。徒勞急  
暮砧。

釋竹軒曰。起身最工。蒼蒼鬱鬱。通身道練。

枯廟



古佛守空梁。殘鐘臥夕陽。風交四壁。圻木落一溪。  
涼禪說餘頑石。慈雲霾大荒。徘徊塵劫。外色相總  
茫茫。

冬日郊行

擊壤遡堯天。行歌到大田。樵蘇倚落日。雞犬雜寒  
煙。吾道羞安飽。農家賴歲年。不殫畊耨力。焉得共  
陶然。

秋夕登固始城樓 三首

黃葉攪離愁。蕭蕭獨倚樓。鳥飛雲共遠。霜白月全

秋。三楚分煙外。長淮走樹頭。蒼茫撫身世。何處覓  
扁舟。

陳浦筠日發端響。如奏八琅之璈。霜白句。比月  
照萬家霜。更道勁耐想。  
何春渚日結好。有成連海  
上曲終刺船而去之致。

越嶠迷雲樹。蒼蒼望夜闌。別離成歲易。貧賤立身  
難。河影通霄徹。霜聲落雁寒。擣砧憐力盡。敢訝客  
衣單。

劉鹿柴日三四沉  
著。閱歷深透語。

木。落。丁。蘭。宅。烏。啼。楚。相。祠。長。歌。懷。往。哲。蕭。颯。動。人。

悲芳躅一相接遺風長在茲遙遙千載月猶自照  
期思

談二瓢日一氣盤  
旋彈丸脫手之妙

辛卯春自光州之大梁十二首選四

去國已千里之梁更十程平原芳草遠野水夕陽  
明淚不因花濺愁先折柳生年年歧路客春入最  
傷情

歸夢落燈前家鄉忽渺然衆山爭曉色一騎入長  
煙別恨書難盡遙天眼易穿附書語南鳥計日到

江邊

旅宿華陂寺。凄清難達晨。懸泉搖遠夢。佛火照離  
人。雪自融于夜。梅誰寄及春。不知故山外。又見幾

枝新

蕭然幽興動。飛屐上叢臺。瓠子春無恙。琪花歲幾  
開。輕風吹雨過。高鳥帶烟來。師曠遺琴在。揮之亦

韻哉

俞舊橋日諸作風  
骨稜稜格超神遠

宿雁門關奉懷魯望二兄

雄關扼四塞。絕壁絡長城。月散鴈沙白。風團鬼火明。  
人家隣虎穴。驛夢逐雞聲。艱苦誰相憶。天涯惟弟兄。

李開第曰雄沉警拔氣足神完。

### 度鐵嶺

骨肉呼何及。危崖我獨攀。斗然三十里。直上萬尋山。  
關月寒衣白。邊霜披鬢斑。回看驚墜處。灑涕凍雲間。

李莠樓曰三四一氣下老健無比。

### 留別

月落衆山曉。倉皇車馬喧。投詩辭紫塞。囊鋏出朱門。  
笳咽西風急。秋淒落葉繁。此情與沁水。日夜並潺湲。

丙午春予客陳郡。患疫甚劇。賴沈大又希晨夕調護。得少瘥。繼誦其詩。不覺神怡。遂漸愈。世傳工部詩能絕瘡益信。

一病如秋草。當春幸復蘇。翻然悲逆旅。那得遂蘊鱸。  
夫子憐同調。畸人笑獨迂。愛君詩句好。勿藥是

良圖。

和蔣大穆堂

蛭。蚓。動。天。籟。寤。歌。差。近。之。多。君。青。盼。意。遺。我。白。雲。  
詩。同。作。倚。樓。客。聊。為。覽。鏡。詞。相。期。各。努。力。安。此。困。  
窮。時。

釋竹軒曰以上諸律刻意高超如施愚山序邢孟貞石臼集所云以陶汰為工以冲澹為則以婉惻蒼涼為致其企而之峻潔也若病暍者之思清冷其厭穠縟而引避也若見羸豕之負泥塗而紈綺之蒙糞土也故其詩清越無纖埃人病之為郊寒鳥瘦不惜者也

發穎川 以下續選

晨光動行色。勞勞羨耦畊。山村含宿雨。花木坼新晴。野鷺有閒意。征人無定情。澄清慙此水。不敢濯塵纓。

送侯大振西入都

春風不度處。楊柳豈堪持。傷我歸難得。勸君去莫遲。分羣奚足惜。高舉獨相期。前路逢知己。無忘客塞時。

送友

樂莫如歸去。君今歸若何。客來貧更甚。老至累偏

今言所見集選  
多濁酒驅寒色。清商起劍歌。相持惟此夕。那禁淚滂沱。

將南歸楊松波遺予唐揚并詩集闕于面別

答此達意 二首

倚劍黃雲外。揮尊白草中。歡期逢夜雪。別路又春風。古刻投吾好。新詩讓爾工。何須歎蓬轉。文采豈終窮。

倦鳥向南飛。千峯度夕暉。美人在何處。春水遠相違。結念託毫素。飛花罥客衣。臨岐艱一別。悵望倍依依。

依依

除夕

歲竟擲人去。人其柰歲何。一寒成老大。百事廢關河。入世悲歧路。臨川感逝波。分陰良可惜。來日慎蹉跎。

得家書

初聞逢歲儉。今喜一家安。習苦雖云慣。樂饑終竟難。孤鴻飛不息。風雪歲將殘。枉道非吾願。狂歌遣百端。

清流關尋醉翁亭有述

午。夜。月。輪。高。西。風。折。柳。條。雁。行。低。馬。首。蛩。響。入。雲。  
霄。覽。勝。諸。峯。近。遺。亭。一。水。遙。客。來。翁。不。見。秋。色。滿。  
詩。瓢。

相國寺小集

濕。雲。開。夕。照。飛。屐。逐。流。霞。小。憩。尋。幽。寂。枯。禪。閱。歲。  
華。境。空。人。共。澹。秋。老。菊。初。花。對。此。懷。三。徑。蕭。條。處。  
士。家。

吹臺集送心盒南還

春。將。客。共。去。零。雨。灑。征。衣。相。送。鼓。臺。上。湧。天。花。亂。  
飛。文。章。工。白。首。嘯。傲。澹。斜。暉。聚。散。尋。常。事。遲。予。雪。  
舫。歸。

重過臨淮驛詠桃花

頻。年。漂。轉。最。禁。春。偏。爾。敷。榮。及。艷。晨。宿。雨。半。林。當。  
渡。口。飛。花。幾。處。送。行。人。東。風。欲。去。矜。顏。色。遷。客。重。  
來。感。故。新。一。棹。煙。波。何。浩。浩。不。知。塵。世。有。仙。津。

雁山九日同人分賦

秋。老。荒。原。落。日。斜。四。山。紅。葉。挂。雲。霞。樽。前。盡。是。南。

都客籬下初開處。士花亦有豪情。酬令節不知生計在。天涯獨憐雁陣。搏風去遙。喚離聲到若耶。

大同道中奉寄魯望二兄

平沙漠漠斷人行。我獨衝寒作北征。蓬首冰霜空磧曉。馬頭餐宿亂山橫。驚笳忽斷還鄉夢。裂帛難傳失侶情。敢歎薄遊今更遠。一瓢生計在邊城。

雲中秋眺

秋色蒼涼邊塞多。黃榆白草淨岩阿。山荒時有虎狼穴。磧冷曾無燕雀過。古壘雲陰連朔漠。平沙風

陣卷長河。侵宵獨立層巒上。一聽哀笳一淚沱。

旅夜

霜外落鐘聲。孤眠夢易驚。起看山月白。流影照殘更。

曉起

曉起怨魂夢。不將人共歸。昨宵風柳下。掩亞見柴扉。

別內

窮巷春迴病乍蘇。饑來驅我敢踟蹰。因兒女情

難。割。拔。劍。登。程。一。語。無。

櫛山詩語。遙情集。前此因予倉卒東歸。錄示不多。丁巳春。重晤夷門。獲觀全編。再登什一。皆清音亮節。寢食大歷以前。製作而出者。猶以限于卷帙為憾。垂棘夜光。盡載多寶。船尚俟他日云。

劉可大

彙理江蘇武進人。鹿柴詩文稿。

徐莞東曰。鹿柴滇游航海諸稿。清宛可誦。管松崖曰。鹿柴詩清新峻潔。後起中之卓然克

白樹立不隨風氣。泯沒者。劉阮山曰。仲弟鹿柴。幼歲稱詩。源出輞川。壯逢

多難。浪迹滇閩。格屢變益工。精心刻露。善寫奇景。故集中登臨之作特工。

陶澹山夏夜讀鹿柴集。題二韻云。默坐不知暑。重吟鹿柴詩。小窓明月。上半映白蓮池。

櫛山詩話。鹿柴游迹。半天下。詩得江山之助。峻整有奇氣。于吳下詩人中。如李代郭將。覺壁壘

一新。僕昨南還。鹿柴手鈔詩集贈行。並系二絕。句云。長物無多半卷詩。勝他芍藥可將離。窻臨秋水披吟處。想見掀髯一笑時。逸響誰收爨下

音。見古風。其雅尚可想。



淮陰市

忍○人○不○能○忍○千○古○真○英○雄○跨○下○與○圮○橋○氣○識○將○無○  
同○慷○慨○登○壇○時○已○具○大○將○風○擊○且○濰○水○北○破○項○陰○  
平○東○功○臣○三○十○六○誰○得○侔○其○功○持○盈○忘○所○戒○有○初○  
靡○有○終○想○彼○自○王○時○已○伏○菹○醢○凶○不○然○張○子○房○豈○  
日○非○良○弓○胡○為○高○鳥○盡○獨○得○從○赤○松○

徐心如曰以留侯作  
背染法筆可屈鍊

夜泊果老崖

兩○山○拱○一○窪○陰○崖○半○榛○莽○孤○舟○向○晚○泊○冥○晦○不○可○

仰○月○出○無○人○聲○時○聞○怪○禽○響

青溪道中

溪○流○清○徹○底○照○見○蔚○藍○天○下○有○五○色○石○深○淺○交○相○  
妍○日○華○泛○迴○波○霞○彩○飛○深○淵○菰○蒲○亂○蒼○翠○荇○藻○明○  
新○鮮○我○乘○青○雀○舫○蕩○槳○開○漪○漣○欲○渡○不○忍○渡○俯○視○  
心○怡○然○掬○水○一○罇○面○塵○垢○盡○棄○捐○容○華○自○如○故○逝○  
波○感○流○年○空○林○人○不○見○日○落○聞○啼○鶻

黔江偶成

山○含○水○色○清○水○帶○山○光○綠○石○子○何○纍○纍○深○紅○映○溪○

曲。臥。聽。打。篙。聲。空。潭。響。琴。筑。

羅湖曉發

曉發羅湖洋。麥嶼鬱然秀。乘潮趨利便。剪浪恣往復。當南勢反北。欲左利在右。山隨舵樓轉。風與蒲帆鬥。路作之字折。船若欹器仆。枉尺可直尋。用拙功乃懋。始知利濟溥。風水不能圍。剡剡緬聖心。取

楷山詩話此詩序次舟行捨風如畫如話按正字通曰吳楚謂帆上風曰捨揚都賦艇子捨風榜人逸浪捨音鏘去聲今舟人曰掉捨又曰打捨

晚泊猛仔灣

測水碇方下。候潮席不捲。策策檣烏鳴。泠泠晚風軟。崗巒何透邇。海水忽清淺。畦塍紛繡錯。桑麻鬱修罕。估客各引領。舟人閒指點。曲港通滄波。人家隔遙巘。峰缺露房櫳。浪靜聞雞犬。土沃物自豐。地僻俗彌善。何必夢華胥。蓬壺路匪遠。

陶澹山日鹿柴航海諸作能破空而行峭雋新奇都有

卽事

初雪不知寒。旣雪覺寒重。簷閒日華晶。樹底鵲聲

今言身身退  
凍。凌。寒。起。危。坐。鼻。息。何。氤。氲。不。異。巖。壑。間。滄。然。生。  
微。雲。

張紫峴日新穎。  
前人所未道。

古意畲林曉岑

軒。窻。向。東。啟。明。月。鑒。我。帷。仰。視。天。宇。迴。俯。覺。霜。氣。  
滋。空。明。積。如。水。恍。與。素。心。期。素。心。期。不。見。幽。懷。當。  
訴。誰。相。睽。匪。河。漢。欲。濟。渺。津。涯。屋。梁。照。顏。色。宿。昔。  
夢。見。之。容。輝。幸。不。減。長。此。團。團。時。

林曉岑日神  
味駿駿正始

登老營岩絕頂迴望黔中諸山作歌

六。詔。之。北。三。巴。東。古。為。靡。莫。今。黔。中。謝。公。遊。屐。不。  
到。處。蠻。山。亂。疊。開。洪。濛。我。溯。五。谿。上。征。騎。幾。日。踏。  
過。千。餘。重。雲。鬢。翠。黛。看。不。足。一。一。撫。拾。歸。詩。筒。南。  
籠。之。山。更。陡。絕。萬。仞。突。兀。撐。晴。空。峯。腰。百。折。盤。鳥。  
道。天。矯。宛。若。天。門。龍。攀。鱗。扼。鬣。拊。其。背。馬。蹄。直。上。  
摩。蒼。穹。懸。崖。勒。馬。一。迴。顧。萬。里。一。色。青。濛。濛。雲。消。  
雨。散。日。華。露。空。天。亂。落。金。芙。蓉。立。身。既。高。視。益。遠。  
元。精。耿。耿。羅。心。胸。仰。天。一。嘯。衆。山。應。袖。底。豁。達。來。

長風驚飛。雕鵲起。復落幽巖。紛墮鶻花紅。停鞭欲

下不忍下。隔林蕭寺聞齋鐘。暮立良鴻高。願益

張雲池日鞭虬  
駕螭天矯極致

良嶽篇和管蘊山侍御。其昔無。直土

怪石撐空起。驚鷺雄視五嶽不足六。六百年來盡

劫灰沙平如鏡。長河曲宋承五季都汴京家傳節

儉輕徭征圍號芳林惟習射池通金水擬登瀛昇

平日久民物盛都會繁華莫與併燈火樊樓徹夜

明笙歌汴水連船競浪子端王久擅名越登大寶

侈心生纔膺寶籙神霄建更協熊占良嶽成疊土

為山極凹凸池臺亭館星棋列下高高歷歲年

一花一石皆膏血百草紛披萬木森中藏奇獸羅

珍禽涼風蕭條明月夜千岩萬壑生哀音臨水登

山樂何極訪竹徵花宵繼日鏃騎長驅已渡河金

芝猶報峯頭出六載脂膏一炬嗟岩摧岫折委塵

沙空餘麗賦傳曹組從此東京入夢華寂莫連岡

幾邱土代歷金元自終古碧蘚蒼苔斷瓦秋晨鐘

夕梵閒僧宇勝國周藩久賜封亦依良位築離宮

遙望一峯還崒嶂。偶遺片石尚玲瓏。百年休養繁  
華復。點綴名園間。雕樸十葉經營。豈效尤誰知禍  
水還流毒。重圍三月雷。夜鳴劇賊決。河水漫城窪。  
處濤頭深七丈。宮殿杌隉民居傾。只有茲山如泡  
影。突出洪濤露其頂。君民蟻附得同舟。不沉魚腹  
寧天幸。水退沙淤。又百年欲尋培塿。亦茫然城上  
築城屋。加屋峯夷。石泐犁爲田。四顧茫茫莽平陸。  
麥浪浮天捲新綠。要是馮夷鑿禍胎。不留卷撮汗  
人目物阜時。和太古風安瀾。長慶樂年豐。平臺槐  
柳迷梁苑。鍊塢雲霞接少嵩。

楮山詩話侍御原作云。大梁一掌平如拓。東京  
昔夢華胥樂。宣和天子造仙山。突兀城隅出巖  
峯。初因方士逐熊祥。漸築剛巒像鳳皇。點綴未  
教宣索廣。每年數本致黃楊。自此諧臣覬天寵。  
搜奇別隱駢肩踵。侍從何人諫浙燈。開局公然  
稱應奉。民間竹樹稍葱蘢。健卒窺規直入雄。扶  
墻壞屋不敢惜。護視尤恐傷黃封。日役萬夫意  
不足。太湖求石如砭玉。礪斧聲猶藉洞庭。行維  
勢訝傾林屋。泮淮千里舳艫開。柁長篙師恣擊  
虺。轉漕大帥怵不問。行避花石頭。網來萬歲經  
營山。益峻比隆方。嶽更名良閣。外開江號景龍  
樓。前立岫題神運。第一峯高高入雲。中開二嶺  
介亭分。屨廊香館不知數。御題曲折存崖垠。劇  
憐六載工斯感。未得三千春。宴展方臘纜。平粘  
罕來毆刀。僅及誅攸。勛東南貼婦賣兒錢。血指  
開鑿露。辭牽。礮車事亟且發。用遑辨天筆。曾磨

鑄。牟。駝。岡。騎。猛。如。火。席。捲。珍。奇。肆。頤。朶。盆。山。渚。  
嶼。景。蒼。然。亦。付。牛。馱。與。羶。裹。攫。取。終。爲。不。急。需。  
有。時。委。棄。在。泥。途。後。來。磊。磊。河。中。石。重。感。行。人。  
范。石。湖。我。今。訪。古。城。東。北。認。故。昆。明。劫。灰。黑。不。  
及。繁。臺。尙。有。基。那。如。鍊。塔。長。留。色。瑤。草。金。芝。一。  
律。空。荒。寒。更。甚。景。陽。宮。祇。聞。異。代。瓊。華。島。青。嶠。  
猶。餘。舊。數。峯。長。慶  
松陵。工力相埒。

曉發

病。馬。秋。嘶。月。征。輪。夜。碾。霜。乍。逢。寒。雁。白。已。見。柳。條。  
黃。悵。望。人。千。里。悲。歌。泣。數。行。艱。難。爲。負。米。敢。怨。道。  
途。長。

管松匡曰勝處  
得王孟三昧

雨泊牛渚

謝公觴詠處。日暮雨瀟瀟。不見當時月。徒聞今夜  
潮。高吟山鬼。奮揮手。螫龍招。安得然犀照空江。思  
寂寥。

見月

兩。度。見。新。月。客。行。殊。未。央。秋。風。吹。片。席。午。夜。落。瀟。  
湘。水。淨。聞。芳。芷。烟。深。沒。遠。檣。詰。朝。武。陵。去。何。處。訪。  
漁。郎。

甕安縣

數騎同魚貫。迢迢出甕城。樹高惟見影。山亂不知名。欲傍陰崖度。時聞怪鳥鳴。馬頭寒日落。點點暮煙生。

洪江

百道飛泉合。千峯積翠環。人家多傍水。鍊冶忽燃山。霜隼盤空急。漁舟出浦閒。伏波遺廟古。隱約柏林間。

京口晚泊

寒沙漠漠暮煙平。坐看銀蟾海上生。魚市燈昏人

乍散。楓江水落雁初橫。長天雲渺金陵樹。短笛風高甕城菊。秀蘭衰秋思晚。故鄉南望不勝情。

望君山湘靈廟

縹緲君山聳翠屏。碧天如洗耿疎星。人聲夜月來湘浦。帆影秋風落洞庭。一水遠涵三楚盡。數峯遙接九疑青。楓林深處還祠廟。終古長懷帝子靈。

暮抵辰州

沅陵遙與義陵連。芳樹重重染暮煙。春盡乍爲三楚客。月明又上五溪船。灘迴清浪逐金奏。泉落壺

頭咽管絃。那更杜鵑聽不住。故鄉愁絕未成眠。

朱春亭曰鹿柴又有沅江道中句云低橋臥柳藏漁市小艇跳波颺酒帘非身歷者不知其妙

甲辰四月隨大兄阮山航海游閩哭別先慈

靈寢

棺閉空堂影掛塵。虛將寸草報三春。離歌款款催征騎。落月變變照棘人。昔日不行胡以養。竭來欲別更無親。遠遊那畏風濤險。願得他年馬鬣新。

楮山詩話予讀鹿柴此作爰填唐多令小詞代縞紵因林君曉岑介晤于甘露塔院時乙卯嘉平醉司命後一日也詞云殘月照空樽。鱸灰撥不温。甚今宵更感羈人。為讀夫君航海作。比蓼

蓼性情真欲別已無親。憐予亦鮮民。賸飄零七尺閒身。載酒幾時登鍊塔。看長嘯。舞劉琨。附錄以見予之傾倒鹿柴。蓋不僅杜詩韓筆已。

秋草 二首

浥露粘花感不禁。况逢搖落到而今。啣恩結得風前葉。泣別抽殘雨後心。不盡春暉隨去鳥。無邊秋思入疎砧。野田路接蘅皋迥。一帶蕭蕭楓樹林。憔悴休嗟紫陌塵。忍同蕭艾結為隣。忠曾指佞傳堯陛。香可將離泣楚均。寄語疾風須努力。好從野燒認前身。驚心我亦荃蘭裔。採薦江蘼倍愴神。



鹿柴自註。先高祖。殉節永陽。故有第二首。  
劉平山日絕。不捨前人唾餘。視關中屈。悔翁作。  
有過之。無不及也。

畫眉橋

百花洲畔水迢迢。鶯脰湖西夜沈寥。  
一棹煙波搖短夢。月明人過畫眉橋。

讀古詩偶成

四首

過沛留觴擊筑餘。夜圍起飲帳中初。  
大風垓下俱千古。劉項何曾不讀書。

形見神藏妙取容。隨時詭與道相通。  
千秋誠子傳。

心法吏隱爭為柳下工。

鶯啼花落自春風。白首南還草市空。  
看柳知門桐。

識井可曾重訪景陽宮。

天似穹廬四野籠。主臣相和澈秋空。  
金成屋角君。

休笑曾詠陰山敕勒風。

放舟。或住西湖。三日。性。那。不。擅。風。沐。弱。不。  
勝。衣。冠。尚。遲。聲。名。遍。噪。借。誰。辭。六。朝。金。粉。香。馬。

陳棟

浦筠浙江會稽人北涇草堂詩鈔

劉鹿柴曰浦筠筆之所至動與古會其英銳之氣又足以輔之方將沉酣鍛鍊抗軌曹劉余未易量其所至也

櫛山詩話浦筠早飲香名客西湖最久六橋花柳三竺烟嵐靈秀收供筆端為夔弄院本時時闌入關馬鄭白之室倪蔚文贈詩云漁陽狂客愛岑牟白眼逢人笑未休富貴祇應吾自有文章儘許世相求雪消柳岸春調馬月滿荷塘夜放舟歲住西湖三百日性情那不擅風流弱不勝衣冠尚遲聲名遍噪倩誰辭六朝金粉香為骨三鳥鴛鴦玉作肌鄰女隔簾窺雅韻歌郎持板待新詞獨餘一事君輸我破病頻添酒半卮江左周郎風流輝映為時艷稱如此予讀其北涇草堂詩顧獨斂華就實不矜尚才情亟為選梓什三要使浦筠詩名不為詞曲所掩

雜詩二首

盈盈江中水。皎皎江上妹。胸羅芙蓉鏡。腰結明月珠。揚舲泝中沚。長跪攬子祛。神女顧且笑。解珮繫羅襦。悠然吹長笛。飈駕騰九衢。一珠豈足貴。所愛千金軀。光彩難復接。精誠將安舒。

魏夢溪日神味從青蓮來。

空庭佇涼月。泠泠彈鳴琴。浮雲忽西去。零落吳山岑。京洛一千里。寄思力不任。慷慨裂危石。坐感歲月深。繫昔同棲鳥。奮飛各青林。天關多網羅。流光

逝駸駸。行矣慎所欲。無負巢居心。

錢南淳曰。氣格靜佳。寢食選體。斯得耳。

山寺曉起同薛雲坡村市小飲。鳥語破幽夢。僧寮交輕風。披衣向礪戶。捲簾臨冲融。花。泣。露。未。收。山。曉。雲。尚。濛。須。臾。旭。日。出。散。影。光。瞳。矓。良。知。策。筇。杖。相。攜。寒。溪。東。平。林。接。清。曠。危。磴。懸。玲。瓏。寄。迹。永。和。客。遐。思。柴。桑。翁。澄。觀。無。古。今。一。酌。山。桃。紅。

納涼

獨坐向庭戶。曠野飛雙禽。交翅互上下。倏復歸故  
林。此時羣動寂。溪水揚清音。錚琮澗石上。誰奏太  
古琴。松柏轉蒼翠。嵐光相與深。聽鳥有遐志。觀水  
無煩襟。起視日移晷。嘒嘒秋蟬吟。林。好。海。湖。水。  
劉梅莊曰興會悠然極靜穆之致。  
漁歌起湖西。樵歌起湖東。晚風迭牽引。隱約菱蒲  
中。我來板橋下。短棹隨雙童。拍手一相和水。碧天  
空濛。

汪艾塘曰無端而起。忽然而止。會得空前後際。方許參唐賢三昧也。

對月懷家松水邨橋村居

今夜好月色。大似鄉居時。開簾酌卮酒。抗袂懷前  
期。故人有幽築。窗戶臨江滄。十載舊過從。今來忽  
乖離。遙念此時坐。襟帶風颼颼。荷香滿几案。漁唱  
盈漣漪。我欲望南雲。山川虧蔽之。夢寐不到家。何  
由尋交知。舉頭望明月。碧天行正遲。安得託光影。  
寄我長相思。

李花樓曰起得突兀極可愛。通篇亦樸老勻稱。

拾雁行 有序

衛人有貨雁者。客長社。囊纍纍皆雁也。得錢則飲市中。絕不見其設一機械。室中亦無罾繳具。而所售不乏。余召而與以酒。問其術。初甚祕。既醉乃大言之。且曰。區區之物。余直拾之而已。夫雁之飛有導。宿有衛。未嘗不患害自防。而卒使人不張一弓。不布一網。一舉手而其羣靡得脫者。其果誰爲之厲哉。作拾雁行。

雁飛日薄暮。羣宿向洲隩。孤雁爲巡邏。充斥防寇盜。目倦未敢瞑。區區期自効。詎知人意巧。潛身匿蓬藿。夜深爇編火。洲旁乍一照。孤雁知有警。飛鳴衆驚鬧。視久知無人。振翼怒妄報。啄項血淋漓。兇比雀。遇鷓身殘何足惜。苦心勵風操。怵息霜露中。見火更狂躁。泊乎噪再三。毛羽盡摧掉。日擊口難剖。躑躅覺神耗。羣雁聽既慣。自謂絕陵暴。快意舒頸足。寂寂盡酣覺。孤雁見人至。忍痛欲相告。私念傷已重。何堪毒再冒。滴淚冰樹枝。全軀聊高蹈。此

時。眾。雁。睡。神。思。正。顛。倒。一。一。拾。囊。中。功。勝。挾。矰。罩。  
天。曉。孤。雁。下。呼。羣。欲。前。導。四。顧。無。子。遺。臨。風。默。悲。  
悼。

李舒元曰從小物發出警論寓言而筆力妥帖  
排奐驚心怵魄可與宋荔裳蜥蜴篇並傳矣。

### 雀飛多

雀。飛。多。集。于。木。羣。向。田。中。啄。嘉。穀。果。腹。不。已。農。人  
夜。哭。農。人。哭。黃。雀。喜。擡。眼。忽。見。青。鷄。子。

### 倪蔚文故劍歌 並序

劍。長。三。尺。蔚。文。銘。曰。當。決。而。決。羞。一。人。敵。

下註倪子元豹用劍六字不見者三年矣。  
今春拜其長者則此劍仍懸座右撫摩嘆  
息不自知神之傷也。

蒼。鷹。交。馳。風。聲。急。肌。骨。颼。颼。寒。氣。襲。電。光。閃。閃。搜。  
北。牖。罔。兩。潛。逃。鬼。神。泣。酒。酣。撫。此。劇。悲。哀。涓。涓。淚。  
流。衫。袖。濕。主。人。童。稚。相。與。驚。問。余。何。事。傷。心。情。此。  
劍。形。製。久。所。識。曾。見。我。友。相。隨。行。南。湖。大。雪。燈。火。  
青。中。夜。起。舞。聲。錚。錚。三。年。以。來。罷。游。宴。太。息。幽。城。  
闕。芳。甸。松。杉。四。合。宿。草。荒。鶴。鷗。夜。呼。韶。華。變。流。水。

高山永莫期。安問青霜與紫電。嗚呼倪生當年膽。  
如斗。今日銘詞空在口。吳季掛墓終徒然。雷煥躍。  
津亦何有劔乎。劔乎酬汝一盃酒。慎勿失主夜作。  
蛟龍吼。

徐倬湖日中有變徵音。讀之使人不歡。周醒愚曰。死三年矣。猶能拜其長者。哭其遺物。此種交情。當于古人中求之。不意乃今猶有陳君也。詩之沉壯悲涼。固其餘事。

送韓二丈

貧戀詩書味。老知交際心。醉來長擊筑。歸去獨携琴。春色筵前短。江濤渡處深。此行家日近。話舊莫

霑襟。

九日登龕山

二首

地豁登臨目。天迴落帽風。波濤江岸壯。意氣酒樽雄。秋草半山白。霜枝無數紅。狂歌思劔舞。懷古興誰同。去歲茲山會。吹簫約薛收。林泉猶勝迹。風雨孰同遊。野鳥傷心噪。岩花滿目愁。僧房莫頻過。此亦古西州。

浦筠自註。時方哭薛雲坡。

三俠畧

目。久。無。隋。主。交。能。結。衛。公。草。茅。有。賢。傑。閨。閣。亦。英。  
雄。望。氣。龍。文。見。迴。頭。霸。業。空。中。原。休。逐。鹿。大。海。已。  
冥。鴻。

王勿至日四十字。包括一篇虬髯客傳。而邊幅甚寬。是浣花翁家數。

雨中聞笛寄松水

積。雨。久。不。歇。笛。聲。何。處。幽。故。人。契。濶。盡。臥。病。竹。西。  
樓。山。霧。紛。紛。白。江。花。淅。淅。秋。倚。闌。情。不。極。辛。苦。是。  
蓬。游。

尋理安寺

翠。色。莽。無。際。孤。吟。日。欲。曛。野。猿。呼。澗。雨。山。鳥。啄。春。  
雲。地。僻。漁。樵。雜。天。清。鐘。鼓。聞。湖。光。貪。伴。客。十。里。尚。  
泫。泫。

燕子磯曉發

海。色。動。天。東。餘。寒。猶。在。空。人。聲。青。嶂。外。客。夢。大。江。  
中。萬。樹。爭。殘。月。千。帆。驟。峭。風。聽。雞。遙。酌。酒。灑。淚。六。  
朝。雄。

周醒愚曰風骨稜稜。在集中另是一格。



蟬

汝德清無極。飲餐甘寂寥。如何憂幽響。轉似怨秋朝。斜日滿高樹。晚風生斷橋。酒酣人獨立。涼意忽蕭蕭。

白蓮

本少淤泥染。此花姿更妍。淡香明月外。薄艷晚風前。入夢水無際。捲簾秋浩然。緇衣吾豈好。迴首愧塵鞭。

吳澹止日詠物要有遠韻。又要要有遠神。方不似燈謎子。以上二首。可稱合作。

送鯤池扶櫬太原

聽罷。江潮萬感生。麻衣腰經事。長征慈親白髮存。亡。淚。愛。弟。荒。廬。去。住。情。驛。路。曉。風。韓。信。壩。馬。頭。細。雨。趙。襄。城。哀。思。到。處。添。根。觸。愁。殺。天。涯。孤。客。旌。

汪繹堂曰三四。嗚咽極矣。

發杭州郤寄諸從叔

客緒紛然不可芟。紅樓翠閣映蒲帆。望中谷水愁孤棹。夢裏陽明憶舊巖。風帶笛聲侵倦枕。月涵嵐氣點征衫。殷勤寄語西園竹。留取春光待阮咸。

盤門柳

去歲落花榮舞席。今年飛絮逐池萍。可憐雨急春無主。莫恃風和眼獨青。殘夢夜寒經古戍。荒江人去憶離亭。酒酣為爾情難遣。玉笛橫吹忍再聽。

龐青藜曰。意在筆先。即無本事。亦屬佳唱。儲山詩話。浦筠又有伴蕙詞。調寄金縷曲。鹿柴春亭傲禪。曉岑。多次韻倚聲焉。予于嘉慶丁巳。禊日亦填一解。寄浦筠于覃懷。客次以調之。自古才士失職。類多託興。香草美人。發舒其遲暮。頽唐之感。蓋不獨浦筠為然也。予詞云。綠雪冰。淦映。汎光風。嫣然縹葍。一枝幽靚。比似青泥蓮。花好。不礙芳心。潔淨。許紉佩。人來開。選原與寒。篁相。衿契。峭東風。翠袖甘清冷。林下秀。並頭影。畫欄凭。暖還同凭。約他年。監湖一舸。言非謾應。

誰料接開同心瓣。消息墜瓶恨。井。悵合穎佳期。難定。節又重。三天涯。夢采香。涇道遠。愁榛梗。秉蘭坐。暗思省。

金山守風

五兩搖搖指北風。扁舟坐對浪千重。帆光不度瓜洲樹。月色偏寒海嶽鐘。何處漁歌悲極浦。連宵歸夢繞青峯。穗煙零落三生杳。愁向蒲團問舊蹤。

程執奎曰。鯨鏗春麗。嗣響華亭。

偕青藜飲曉亭寓廬

雨過高城春滿林。湘簾石磴足清陰。亂山影裏人

酣。酒。流。水。聲。中。客。抱。琴。待。月。不。辭。千。里。目。看。花。動。  
是。隔。年。心。鄒。枚。賦。筆。今。誰。寄。屈。指。蘭。亭。草。又。深。

古意

初。八。至。十。五。夜。夜。望。明。月。圓。是。郎。邊。圓。缺。是。妾。邊。  
缺。

湖月二首

驟。雨。生。衆。涼。湖。光。碧。于。染。月。色。忽。滿。湖。搖。搖。金。波。  
閃。見。月。如。見。僧。呼。之。共。徐。步。還。顧。湖。上。波。蕩。漾。忽。西。  
去。

訪楊山人

曲。曲。溪。流。淺。淺。山。乍。晴。時。候。鳥。綿。蠻。書。牀。夢。轉。聞。  
人。語。應。是。鄰。僧。叩。曉。關。

鑑湖曲

小。姑。十。五。手。纖。纖。花。底。偷。來。揭。畫。簾。忽。見。春。山。好。  
顏。色。又。添。新。恨。上。睂。尖。

此句又謂落財土魯夫  
小故十五子懸游并孤前來財壽樂必具春山我  
遊賦曲  
八韻飄長濞會四製關

古詩山人

釋本照竹軒湘潭等覺寺僧杯渡至藁

劉松岩曰竹公戒律精嚴賦才最敏帛道猷洪  
覺範一流人也  
櫛山詩話竹公雖服緇衣而疆記儒書為詩詞  
搖筆立就瑰偉清麗不雜偈語昔吳人謂一雨  
禪師有三有一無三能耐一不能耐有德有言  
有情理然無因緣耐學耐窮耐交游然不能耐  
俗予于竹  
公亦云

靈巖毘盧洞

裹糧陟崇岡。寒日上莽蕩。山風冷毛髮。奇險逾萬  
狀。徑僻峽愈遠。豺虎肆佞仗。泉聲相撞舂。石勢怖  
森向。夤緣下絕壁。蒼翠極遙望。濕雲時滿山。添作

午潮漲。緬彼藏舟人。千載邈高尙。

竹軒自註。壑中有巨石狀舟。下復有小舟相承。甚可觀。

由絡絲潭上竹篙嶺。遂至祝融峯絕頂。餘萬

靈嶽登眺有路通。十年磊塊凸吾胸。昂然拔地九

千丈。摩盪霄漢尊而雄。竭來支筇望溟渤。誓同汗

漫游無窮一重紆。迴一畢。翠泠泠。振袂多罡風。磴

危路絕。人不到。噓吸歛。忽雲濛濛。下窺南極指高

鳥。恨無羽翰。凌長空。瀟湘洞庭倒。插影泱泱。二氣

涵冲融。是時斜陽落山晚。巖際返照丹砂紅。驂鸞

控鶴者何許。仙梵縹緲生琳宮。我緣宿業墮塵網。

閉關行腳都無功。朱陵紫蓋忽偃仰。此間差足容

吾躬。胡孫藤子青銅笠。結隣堪與猿狖同。螢芝瑤

草眼前有。采藥何必蓬萊東。跣趺更向萬峯頂。待

看松月光玲瓏。

徐苻浦日渾噩。無蔬筍氣。與湘岩丈舟中望嶽作。各張一軍。

九日分韻

木葉落江潭。秋聲聽乍堪。客來星聚五。徑僻菊荒

三。野戍孤煙直。空林半月含。登臨千載意。蕭瑟不

須談

雲峯寺次周春田農部壁間韻贈萬公  
一杖衡南選勝遊。到來蕭寺喜清幽。大千世界纔  
開眼。第一名山恰打頭。蒼水靈符爭歲月。元君飛  
珮紀春秋。已公好客能分芋。好為投閒十日留。

山中書懷

朱陵紫蓋鬱崔嵬。秘洞仙源次第開。南國久稀懷  
讓跡。名山剛待嬾殘來。彤雲浩劫黃靈第。皎月中  
宵赤帝臺。我本前身此山住。迷途未遠尚徘徊。

過卓錫庵

柔藍踏破幾千重。泉石三生悟舊蹤。黃葉無聲飛  
古寺。濕雲不雨淡諸峯。打鐘掃地人來晚。拾橡烹  
泉興。尚濃記否當年持鉢處。斜陽天際隱芙蓉。

高臺寺

披襟獨上妙高臺。秋日新晴望眼開。宛爾葛公投  
杖處。冷然列子御風來。四時靈草藏幽徑。五粒青  
松護翠苔。從此名山事冲舉。他年一笑謝塵埃。

白馬寺除夜寄懷湘社諸君子

二首

今年今夜歲云除。惆悵浮生萬事虛。久客乍停千里棹。輕裝恰剩半囊書。青楓江上懷良友。白馬山中念舊居。閒折梅花酌村釀。淒風苦雨正愁予。春風消息上華顛。獨坐松窗意黯然。正以音書勞悵望。那堪驕旅過新年。敲殘客夢鐘聲午。滴碎鄉心夜雨絲。剩有老僧同趣味。一杯苦茗話清緣。

輓楊湘岩廣文

記得囊詩謁次公。木蘭古寺夜燈紅。談深玉屑飛花外。坐久衣香入定中。一自暮雲生遠別。遂教明

月抱長終。梵堂風景今如昨。不見豪吟白髮翁。

竹軒自註。壬子十月既望。廣文赴官安仁。道出湘潭。聞櫓山詩客。僑寓鳳竹蘭若。輟棹淹留。朽以方外。得與題襟。櫓山詩話癸丑秋初。湘岩卒于安仁官舍。計至湘潭。包山朱礪東。為位于儼屋之湖山草堂。招同社各哭以詩。秦錦江序而彙付剞劂。名曰山陽笛。張紫峴明府詩中有云。黃山詩豪。詞七歌。詞終四座。皆滂沱。蓋指予作而言。予愧弗如竹公。此作真橫吹之變徵音耳。

捨身巖

中。放眼愁天壓。低頭覺地空。人生奇險處。不在此巖

今言身集選  
飛來船  
何來一葉舟。飛向峯頭住。平地多風波。飛來不飛去。

朱春亭日二絕似箴似銘如聽晨鐘暮鼓。

羅漢洞

石壁磽礧仄徑微。空聞五百應真歸。此中覓得袈裟地。不許紅塵一片飛。

會仙橋

手招黃鶴駕天風。雲海三千欲盪胸。爲報羅浮仙

子道。再期春色妙高峯。

癸丑寒食同黃心盦作

數行碧瓦出炊煙。輕薄東風散柳絲。閒與涪翁話佳節。海棠花裏悟情禪。

楊妃菊湖山草堂社題

西風吹破軟紅塵。散作籬花萬點勻。千載不消羅襪恨。綠枝穠艷祇如新。

楮山詩話竹公游衡岳一月得詩數百篇如題廣濟寺云千岩雪瀑吹花雨萬壑雲濤湧寺門黃庭觀云几上雲垂常五色閣中人去已千霜上封寺云人在下方聞梵唄鳥飛天半候齋鐘



過青雲庵故址禮天台祖塔云。人來荒徑餘乾。葉鳥過空山。啄病梨。題天臺寺云。海霧成。岳開。佛地。天風吹笑。落人間。芙蓉峯落句云。天半霞。明秋。雨霽。打樵人。在藕花心。並得唐賢三昧。而楊妃菊一絕。當時社集。推探驪得珠。衆為閣筆云。

蘇軾詩山草堂賦

張翥詩

朱成 澗東江蘇太湖廳籍安徽休寧人介益藁

張紫峴曰。鵠鷺之野。孔翠之鮮。竹柏之貞。琴磬之韻。右甫里先生語。介益詩品如是如是。徐心如曰。予則取明易恒句。以評澗東云。情婉味終。涵雋永。調高語不在。矜持。褚山詩話。澗東藝事多能。劇愛延攬名流。泉明之屋不豐。北海之樽恒滿。題襟投轄。月無虛日。是真能以詩文為性命者。詩如冰稜石骨。勁質不華。又如春谿一碧。沿流徘徊。忽有所觸。一振其響。清映林樾。句如南浦帆初落。西山雨欲來。風定野花落。雨餘春水生。殘雪落深澗。夕陽明古松。泉香清。醉榻石氣冷。吟筇蒼葭圍。雁渚疎柳。桂魚。層長松。徑遶危磯上。古渡舟牽落日行。青竹放梢。遮屋角。白沙拖尾。到江心。白鳥有時衝棹去。青山無數逼人來。影迷翠袖。新詩夢香透。紅衫舊酒痕。橘樹青連沽酒岸。蓼花紅入賣魚船。跨澗小橋穿活水。隔江孤塔卓層巒。描寫

景物超于凡想。安得嬾瓚癡黃。研礬皴赭。分章摘句而置之。

渡洞庭

風便曉揚舲。飄然下洞庭。乾坤雙短髮。身世一浮萍。放眼真空濶。回頭卽杳冥。岳陽無限好。吹笛暮山青。

登黃鶴樓

詩人久不作。樓上且高吟。黃鶴自來去。白雲空古今。神仙三弄篴。江漢一披襟。把酒蒼茫裏。斜陽下遠岑。

武昌鍊佛寺訪沈少雲兼晤曹蘭森

君自何時到。相攜子建居。半龕依古佛。高枕讀殘書。雪繭繰絲後。銀房割蜜初。更勞推食愛。臨別重躊躇。

舟泊昭潭

浪簸樓船水氣腥。風號古渡晝冥冥。柳邊雨歇疎烟碧。花裏鐘殘晚岫青。吳楚山川容放浪。乾坤書劍肯飄零。扣舷不問膠舟事。湧與詩篇寫性靈。

張雲池曰。頷聯細膩。頸聯蕩開。大家作法也。

湘陰

湘陰城外柳絲低。倚棹高歌水拍隄。青草春殘蘭芷發。黃陵花落鷓鴣啼。女蘿山鬼吟無柰。翠羽明璫望不迷。讀罷離騷撫瑤瑟。一樽酒酌夕陽西。

尹雨鹿曰。竟體潔淨。似趙子固畫水仙花。凌波顧影。九十三枝。不污軟紅一點。

瓶中芙蓉

燈前帳底見紅粧。獨立亭亭耐夜長。記否當年邀醉處。薄霞樓角是橫塘。

周必華

壁山江蘇丹徒人。醒愚藁

櫛山詩話醒愚集。經隨園老人評定。有江左才人之譽。觀其唐誦漢吟。魏製晉造。天籟自鳴。迴非曼聲繁響。是能自樹一幟。不受老鐵範圍者。為人坦夷落落。予往客漢江。因汪子繹堂訂交。時以文酒相慰藉。久之各散去。嘉慶丁巳初春。予重遊大梁。繹堂餞酒寵詩。予作歌酬別。兼懷醒愚客楚云。嗚呼癸丑冬。小子痛失恃。不能扶服歸治喪。在疚煢煢。漢之邱。君時亦寓公。慰我凡百為經紀。同時京口有周郎。古誼與君似。蓬生麻邱。萍在蓮江。不扶而直。從風自馨。喻綢繆于鵜鱗。胡易感于離情。君言歸里闕。我去訪侯生。周郎仍作漢陽客。三人形影不得長。合并嗟。嗟彈鋏。那可取。我昨急裝。因負土。鄉里小兒多。見唾窮巷。悄然門自杜。惟君好我情。不渝缺劒。斷琴故相謝。咳唾叶宮商。情性襟貞素。平子言愁。射洪感遇。撫今追昔。傷別離。七絃泠泠韻韶。

今言月身集選  
護我時別君。券驢馱什襲。贈言拜嘉大。蕭然行  
李有輝光。津吏譏訶載奇貨。君才抗懷瑾瑜  
羣言漉液。康濟需却笑游梁。老枚叔行看諭蜀  
似相如。把君繡段重躑躅。報贈深慙乏青玉。苦  
憶周郎正倦游。楚天春草茫茫絲。是歲五月旣  
望。選醒愚詩授梓。因并刊拙作。爲玉導焉。悵知  
已之晨星。重念子雲寂寞。榛苓夢遠。簪  
盍無期。時一自哦。不禁柰何頻喚耳。

擬古詩

十首

張曲江感遇

早梅發山阿。寒香飛寂寂。冰雪淨素顏。松筠伴芳  
跡。當茲歲云暮。一枝猶可摘。若被春風和。香色應  
加劇。對此怡我心。徘徊不忍釋。欲持贈美人。惆悵

彩雲隔

高常侍客中有別

知己不易遇。四海豈無人。夫子休戚戚。賢才方採  
掄。束修如秉璧。藻翰同兼珍。晦月光自朗。屈蘄勢  
必伸。繁霜被原野。旅雁排蒼旻。客路何蕭條。落葉  
時紛紛。欲別更何贈。勲名宜早振。

王江寧獨遊

霽雪淨遙岑。翠微若新沐。東臯初日麗。窈窕映松  
竹。卽景欣澄鮮。攜筇上林麓。始聞倉庚鳴。旋見原

野綠層巔既解冰。峭壁仍飛瀑。看雲躋石崖。聽泉  
坐水曲。登臨隨意向。來往無羈束。迴首煙蘿深。幽  
人在空谷。

李翰林古風

南陽有臥龍。孔明特英妙。未輟隆中畊。已括天下  
要。時成梁父吟。抱膝還長嘯。一朝魚水諧。遂令漢  
祚紹。鼎足據隴蜀。虎視權與操。討賊六出師。敵貽  
巾幗。誚人生。感知已。不以窮達較。藉非三顧勤。沒  
齒甘荷篠。

杜工部泛江

磯迴江風長。千里碧浪瀉。輕舟舉峭帆。乘流竹箭  
下。濤分恍迎雷。山移捷過馬。返照入金焦。峯色青  
而赭。六朝多遺恨。弔古不勝寫。何如玩烟波。一使  
意瀟灑。蒼茫葭葦岸。寂歷樵漁舍。繫纜楓林枝。月  
來京口夜。

儲侍御田家雜興

畚田百餘畝。室廬八九楹。門前桑榆蔭。屋後果蔬  
盈。團團青山繞。曲曲流泉鳴。頗得山水趣。因忘朝

市情往年娶鄰女。本爲佐躬畊。不意有兒子。樸愚易長成。一字苦未識。無異兩目盲。新年檢新歷。送汝拜先生。

來京口孟襄陽宿來公山房期丁大不至

夕翠映山深。山深日易暮。荆扉久未掩。佇待幽人。屢抱琴。期宿來清宵。展良晤。犬吠孤村烟。鵲翻高樹。露遙知松上月。正照前谿路。

高齋夜氣涼。瀟灑雨初歇。宿鳥驚前林。飛螢度微

月。稍愛塵事簡。還感徽音闕。清觴徒自盈。層城不可越。獨坐惻離思。微鐘聽超忽。

賈浪仙寄遠

斯須不少待。光陰若相競。朝華甫啟秀。夕蟲旋報暝。素絲易元髮。羞對青銅鏡。羣囂靜可除。孤琴澹宜聽。曾期芳草涯。應掃白雪徑。豈必真秉燭。此意當誌詠。

張文昌離怨

迢迢牛女星。相隔銀河明。佳期七夕至。猶見鵲橋

今言所見身邊  
成君行非天上何為若霄壤一別幾經年那能不  
夢想

張蟬谿曰擬古惟江醴陵最長若謝康樂擬鄴  
中諸子之詩氣象便不類至于劉元休鮑明遠  
則仍是其自體耳醒思此作擬則全擬如  
彈雅所云讀書多醞釀胸次時至即發也

何妹歸坐側猶思粉黛容  
民醉交皇車前數忽婦音聞  
湖影不空谷水劍春時  
鄭秦絲長衣過羨健青  
真如小書談

楊宗岱 田村江西大庾人意想園集

楮山詩話田村鳴琴巴蜀今時范萊蕪也解組  
後藉授經以糊餽粥主長沙城南講院最久棲  
寂似苦行僧顧游興益豪三十六灣七十二峯  
奇勝搜剔殆遍各繪以詩興至疾書月有盈寸  
之作詩酒癖山澤臞湘  
南人士至今艷稱之

二 題 黃山雲松歌贈黃心盒

黃山山天末黃海海中不知是山化海海生樹  
抑或天池倒掛雲將追鴻蒙但覺鬢鬢黢渾渾  
灑灑杳不知所際翠濤洶洶高低下上浮虬龍須  
臾罡風四面捲海去如新出沐露出三十六枝青

芙蓉枝。枝是筍。枝枝玉峯峯。是雲峯。峯松此。雲此。松不可畫。畫亦不過張鱗舞鬣。蜷肢怪爪。攬月擎。虛空何如。竟拘雲英鍊松液。光怪陸離。直奪琥珀。夜燭瑤草春。蒙茸千杵元霜合。萬鋌穀壁融。代石。二螺給凝煙。九子封磨研。一揮盾鼻捷。沾漬八。鼠鬚鋒。招人肝腎出。神漢驅人手腕鐫。鬼工元氣。淋漓真宰泣。濡染造化天無功。心盦歛產游岳下。松古其貌。雲盪胸文。氣詩聲相磨。憂其聲謾謾。氣蓬蓬。結交一傾偃。雨蓋選勝欲集蚪。靈宮借問松。

下童子指點雲深處。今詩所見副墨有無蹤。我家庾嶺十里長。松路關門透海雲。溶溶卽今狎鷗閒。海客尙能仰瞻棟。牖擊壤歌堯風。耕食鑿飲豈不懷歸望。嶺北松耶雲耶胡爲遭我乎湘東。

彭蘭沼曰長篇累句有搏象之力撐拄之故能波瀾老成控縱在我結調如聽豐山九鐘霜空鞞鞞致有遠韻  
褚山詩話乾隆辛亥壬子之際予客中湘選事伊始故田村有今詩所見副墨有無蹤之句當時田村惠示所作最夥爲嗜好者見而攫去僅存此篇付爽鳩氏何時探梅庾嶺問奇意想園當攬選名篇以公海內正法眼藏炙賞



南。山。詩。話。子。政。淹。雅。多。能。楚。材。冠。冕。授。經。于。予。  
表。兄。巴。蓮。舫。漢。臯。寓。三。以。詩。文。書。畫。相。雄。長。題。  
襟。結。社。狎。主。齊。盟。詠。梅。二。律。乃。甲。辰。秋。予。赴。湖。  
南。子。政。寫。梅。花。幀。子。題。以。贈。別。者。予。酬。以。五。言。  
云。美。人。傷。遠。別。為。我。寫。梅。花。句。裏。峩。峩。看。雪。天。邊。  
萼。綠。華。高。情。生。寂。寞。元。氣。相。橫。斜。真。見。南。枝。發。  
休。令。驛。訊。賒。又。贈。句。云。微。之。廊。廟。功。名。晚。漫。叟。  
文。章。山。水。多。十。年。以。往。子。政。墓。木。已。拱。蓮。舫。旋。  
亦。奄。逝。壇。坵。一。空。遂。使。山。川。減。色。而。白。門。遺。集。  
世。少。袁。中。郎。恐。等。付。雲。烟。過。眼。耳。又。子。政。題。予。  
豆。棚。畝。照。句。云。涼。雨。半。窗。村。店。酒。  
夕。陽。三。徑。野。人。家。亦。清。脆。可。誦。

元煥樞 子政湖北漢陽人白門集

梅花

帶。月。橫。窗。寫。一。叢。花。光。墨。妙。贈。涪。翁。屋。低。有。客。衝。

風。出。雀。冷。無。聲。晚。噪。空。早。可。竟。隨。殘。菊。後。遲。猶。不。  
讓。小。桃。紅。如。何。領。袖。羣。芳。種。多。在。寒。泉。亂。石。中。  
地。壚。新。火。熱。松。明。數。去。窮。冬。幾。日。晴。殘。雪。未。銷。枝。  
尚。重。懸。冰。欲。落。歲。將。更。但。攜。酌。酒。自。高。致。何。必。空。  
山。非。世。情。誰。把。斷。腸。翻。苦。調。九。枝。鐙。下。按。歌。行。

范蓮賓曰詠梅自逋翁後最膾炙人口者莫如青邱其實殊多客氣予謂後來作者斷推徐巢友右子政作蓋次韻巢友三十首之二寄託遙深筆墨町畦俱化稱抗衡焉心盒泣念故人梓傳片羽金井西風墮桐一葉可知此樹有響皆秋不憾未窺全豹已

胡 卿 習亭河南中牟籍浙江會稽人煮茶亭藁

楮山詩話習亭為童二樹山人女夫其詩風格迥上不愧冰清玉潤予客光州時習亭主講弋陽書院未謀面也秋日偶遊五龍蘭若見壁間習亭九日詩歎為韓陵片石次日遂通羔鴈焉

夏日雜詩

斜。日。忽。成。霽。庭。樹。圍。清。陰。納。涼。北。窻。下。荷。香。吹。我。  
襟。萬。籟。忽。然。寂。但。聽。羣。蟬。鳴。庾。塵。久。不。到。熱。毒。何。  
由。侵。俯。仰。發。高。唱。是。亦。羲。皇。心。

人。立。春。日。看。外。父。童。二。樹。先。生。寫。梅

昨。夜。寒。威。滅。禽。聲。動。四。隣。朝。來。看。潑。墨。初。日。滿。簾。

春破凍冰猶結。迎暄柳未新。定嫌消息晚。索笑待詩人。

中秋對月

今夕是何夕。天涯一悵然。離家方積歲。有母漸衰年。昔酒憑誰奉。深宵或未眠。忍將小兒女。相對月團圓。

姚夢香曰。真性情語。與流連光景者不同。徐癯仙曰。祇煞尾一句點題。是古人作法。

雨夜懷龔牧塘

雨苦風淒夜。蕭然獨掩扉。天涯朋輩少。故國雁鴻稀。

倚檻秋花瘦。過庭水鳥肥。年來真契濶。魂夢亦相違。

吹臺

萬古中原第一臺。劫燒歷盡自崔嵬。長留李杜題詩在。後起空同拾級來。嶽勢西迴雲外壁。河聲東走日邊雷。登臨無限蒼涼感。斷塔斜陽醉一杯。

九日瑞崑上人招集五龍宮

龍宮突兀倚雲開。佳節相期選勝來。千里良朋此傾蓋。百年高會幾登臺。無邊秋色歸詩卷。一片山

光○落○酒○杯○自○是○遠○公○能○破○格○何○妨○醉○倒○菊○花○堆○

程量卿曰習亭七律。沉鬱頓挫。最近空同。

冬夜偶步

愛○此○冬○月○明○前○村○聊○步○屨○草○殺○霜○為○花○林○空○鴉○作○

送人

汜○河○風○冷○雁○初○飛○攜○手○河○梁○怨○夕○暉○搖○落○幾○行○楊○  
柳○樹○年○年○長○是○送○人○歸○

王德符

季虎湖南湘潭人。印潭草。

儲山詩話季虎弱冠掉鞅文場與兄勿亟廣文。竹田明經齊名三鳳予嘗酬疊季虎秋字韻詩。有云水亭斜受月風葉亂鳴秋紀其所居蕩花。吟屋野趣也苦心知痛癢辣手作陽秋紀其于。詩持論斤斤不稍媿姍姍好也微吟堪下淚易。感不闕秋紀其贈我詩篇性情流露一唱三歎。也後受業其婦從父陶園老人張九鉞先生張。固老杜所謂近來海內為長句者季虎得其荊。授為歌行一變而為騰踔沈洋如張南本畫火。勢焰逼人能使觀者辟易茲刻錄別長歌是已。

將之淮南贈別黃心盦

天○于○英○才○亘○千○百○年○而○一○生○生○之○厄○之○造○物○何○無○  
情○如○君○磊○落○負○奇○氣○偏○令○坎○壘○纏○其○身○少○年○嗜○古○

今言月身集卷  
窺鴻寶。高懷絕俗卑。青雲縱橫意。氣在杯酒逢。  
不惜肝膽剖。千金揮去不回首。急人之難。惟恐後。  
潦倒英雄髀肉生。邯鄲溷跡尋屠狗。雍門挾瑟誰。  
知音。落拓天涯竟不偶。窮而後工詩愈豪。長虹之。  
氣凌九霄。酒酣高歌鬼神泣。與來落筆邱山搖。瓊。  
篇。鱗鱗日盈把。客囊如洗仍瀟灑。憶昔招提始遇。  
君。一言乍合中心寫。論交直是根性情。豈同人世。  
悠悠者。竭來過從益相親。花時月夕開清罇。縱談。  
每苦白晝短。聯吟常到青燈昏。嗟我名途時不遇。

扁舟破席淮南去。朋箋飄散各一方。中懷抑鬱誰。  
與語。人生要須眼界寬。功名富貴原等閒。安能長。  
年跼蹐受羈勒。使我攢眉囊底不得開心顏。我聞。  
黃山之峯三十六。嶄然峭壁如削玉。下有衝波逆。  
折之迴谿。上有砒崖轉石之飛瀑。盤旋直上陰蔽。  
天。訇然中開忽平陸。有時雨霽秋旻高。雲氣變幻。  
生巖。嶽丹崖碧嶂頃刻盡。皓縞恍如滄溟浩蕩奔。  
波濤。他年君歸萬山裏。盤白石兮枕流水。舒長嘯。  
兮揮素琴。松謾謾兮蘿沉沉。渺懷予兮不得見心。

惆恍兮何以任我時乘興一來訪  
 杖與君聯襪披蒙茸天梯逕踏層巔上  
 歛空濛吳山越水皆開朗雲龍聚散那可測  
 南。颿。無。定。跡。與。君。大。笑。抗。手。分。水。調。一。聲。江。月。白。  
德樹齋曰心齋嘗誦李虎句云寺樓紅日晚禁  
 樹綠陰新殆又似趙承旨畫山水外秀媚而中  
 有堅韌骨  
 子在也

平。似。微。受。海。神。對。如。樹。綠。陰。不。得。開。心。到。此。時。  
 與。騎。人。坐。更。取。想。取。實。如。谷。清。貴。氣。冷。開。定。時。  
 蘇。東。坡。南。山。詩。云。南。山。不。可。學。學。南。山。學。南。山。

